

皇 歲

華

紀

麗 覽









皇

覽

撰人不詳
孫馮翼輯



中
華
書
局

皇
覽

此 據 問 經 堂 叢 書
本 排 印 初 編 各 叢
書 僅 有 此 本



皇覽序

魏代諸臣撰集皇覽。据魏志言。乃劉劭王象奉勅作。史記索隱則云王象繆襲等。隋書經籍志復稱繆襲爲繆卜。唐志不載。竊疑襲卜本一人。而名字互見。然襲於史無專傳。不可考矣。玉海藝文門備引隋書志。而又有韋誕撰皇覽之說。未知本於何書。阮孝緒七錄所載。本六百八十卷。至隋而僅存一百二十卷。唐時之本。則何承天所合併。亦著於七錄。而闕一卷。隋志云。皇覽一百二十卷。梁六百八十卷。梁又有皇覽一百二十三卷。亡。唐志。何承天併合皇覽一百二十二卷。又徐爰合皇覽五十卷。唐志稱八十四卷。何以徐本。唐而獨增多。且其本既見唐志。則與何本隋志並云亡者。誤也。隋志云。徐爰合皇覽五十卷。又皇覽一百四卷。皇覽抄二十卷。並梁抄亡。惟皇覽曰及蕭琛所抄。或亡於隋時。故唐志祇載何徐二本。繆氏舊著。唐人已未及見。後更無論矣。其書採集經傳。以類相從。實爲類書之權輿。魚豢魏略稱爲部四十餘。部有數十篇。合八百餘萬字。見魏志楊俊傳注。今緝逸篇。雖不審昔人所引。是否繆著。抑係何徐併合。第其分篇可見者。則有逸禮。及冢墓記二篇。劉昭續漢祭祀志補注。載逸禮春夏秋冬天子迎四節之樂。刊本誤以逸爲迎。證以藝文類聚北堂書鈔歲時部。太平御覽禮儀部。引語相符。並題皇覽逸禮。知逸禮確爲篇名。但其禮似依呂覽月令淮南時則訓而成。儀文則所記當是漢禮。故劉昭以補漢志。特其標名取逸。義有未詳耳。至藝文類聚人部。引史鮪以尸諫衛靈。太平御覽職官部。太公周召爲師保傳諸語。則非記漢事。

然皇覽採集經傳，搜稽宜不以代爲限。類聚等祇稱逸禮，不題皇覽，或傳寫脫字。今故依次附於篇。若三皇禪云云，五帝禪亭亭，巡狩之禮，尊天重民，巡循也，狩，牧也。北堂書鈔禮儀部文選東都賦注，各稱禮記逸禮。太平御覽禮儀部同。禮記二字，似有訛舛，其語又與白虎通封禪巡狩篇近似。疑皇覽採諸班固，第諸書未題皇覽，難以臆定，是以錄後存考，以俟識者。冢墓記分篇，史記集解索隱等書，共引六十餘事，雖未盡題冢墓記名，而舉一例餘，其類顯而易見。然漢東平思王冢上松柏皆西靡一事，漢書本傳注引稱皇覽，而文選劉峻重答劉秣陵書注引語尤詳。則題聖賢冢墓記按隋志史部地理類有李彤撰聖賢冢墓記一卷，乃別自爲書。選注劉先生夫人墓志又引孔子冢一事，語雖與皇覽冢墓記大同而不得以李彤所撰，認爲皇覽也。又太平寰宇記引有古今葬地記，古今冢墓記，城冢記，御覽引有蘇州冢墓記，皆不著於隋唐志，當是唐以後書矣。劉昭補注漢禮儀志述漢家葬儀，引皇覽而無篇名，觀其文義，以入逸禮冢墓記，俱可相附。漢書貨殖傳注述計然事，御覽文部載金人器銘，則二篇俱不相附。今三事皆別錄終編，以無能分篇也。金人器銘稱皇覽記陰謀，困學紀聞並同，似記陰謀亦一篇名，而他無考見，則寧爲闕疑。余獨惜此書篇部衆多，而徵引僅取二篇，且又冢墓記見引數十倍於逸禮篇，致使司馬貞作索隱專謂記先代冢墓之處，宜皇王之省覽，蓋祇見裴駰集解，惟引冢墓記中語，遂強成其說。然則皇覽雖存於李唐，而貞固未見本書也。

考證

魏志文帝紀帝使諸儒撰集經傳隨類相從凡千餘篇號曰皇覽

劉劭傳劭受詔集五經羣書以類相從作皇覽

楊俊傳裴松之注引魏略曰王象受詔撰皇覽使象領祕書監象從延康元年始撰集數歲成藏於祕府合四十餘部部有數十篇通合八百餘萬字

唐六典卷十注黃初中以散騎常侍王象領祕書監撰皇覽史記索隱五帝本紀注皇覽書名也記先代冢墓之處宜皇王之省覽是魏人王象繆襲等所撰也

又滑稽列傳壘竈爲櫛索隱按皇覽亦說此事以壘竈爲櫛突也又衣以火光皇覽云火送之著端葬之腸中隋書經籍志子部雜家皇覽一百二十卷繆卜等撰梁六百八十卷梁又有皇覽一百二十三卷何承天合皇覽五十卷徐爰合皇覽目四卷又有皇覽鈔二十卷梁特進蕭琛鈔亡唐書藝文志子部類書類何承天併合皇覽一百二十二卷徐爰并合皇覽八十四卷

玉海藝文類曰類事之書始於皇覽韋誕諸人撰

困學紀聞曰皇覽記陰謀黃帝金人器銘武王問尙父曰五帝之誠可得聞乎尙父曰黃帝之戒曰吾之居民上也搖搖恐夕不至朝故爲金人三封其口曰古之慎言

此下太平御覽文都所引尚有十餘句

按漢藝文志道家有

皇覽序

四

黃帝銘六篇，蔡邕銘論，黃帝有巾機之法，皇覽撰集於魏文帝時，漢七略之書，猶存金人銘，蓋六篇之一也。



歲華紀麗總目

第一卷

春

正月

元日

人日

上元

晦日

二月

中和

二月八日

社

三月

上巳

寒食

第二卷

夏

四月

四月八日

五月

端午

焚

旱

雲

瑞雲

風

風災

占風

雨

六月

伏日

第三卷

秋

七月

七夕

中元

露

瑞露

霜

霜災

月

瑞月

災蝕

八月

九月

重陽

第四卷

冬

十月

寒

十一月

冬至

雪

冰

藏冰

十二月

日

臘

儺

歲除

歲時雜詠	一
歲時雜記	二
歲時雜錄	三
歲時雜考	四
歲時雜論	五
歲時雜說	六
歲時雜傳	七
歲時雜志	八
歲時雜聞	九
歲時雜見	十
歲時雜聞見	十一
歲時雜見聞	十二
歲時雜見聞見	十三
歲時雜見聞見見	十四
歲時雜見聞見見見	十五
歲時雜見聞見見見見	十六
歲時雜見聞見見見見見	十七
歲時雜見聞見見見見見見	十八
歲時雜見聞見見見見見見見	十九
歲時雜見聞見見見見見見見見	二十

皇覽一卷

逸禮

魏坤漢志注刊本。或訛作迎。以御覽所題送禮。知爲刊誤。

清 瀋陽孫馮翼輯

春夏秋之樂。又順天道。是故距冬至日四十六日。則天子迎春於東堂。距邦八里。堂高八尺。堂階三等。青稅八乘。旗旄尙青。田車載旄。號曰助天生。唱之以角。舞之以羽。翟。此迎春之樂也。自春分數四十六日。則天子迎夏於南堂。距邦七里。堂高七尺。堂階二等。赤稅七乘。旗旄尙赤。田車載戟。號曰助天養。唱之以徵。舞之以鼓。鞀。此迎夏之樂也。自夏至數四十六日。則天子迎秋於西堂。距邦九里。堂高九尺。堂階九等。白稅九乘。旗旄尙白。田車載兵。號曰助天收。唱之以商。舞之以干戚。此迎秋之樂也。自秋分數四十六日。則天子迎冬於北堂。距邦六里。堂高六尺。堂階六等。黑稅六乘。旗旄尙黑。田車載甲鐵鑿。號曰助天鋤。唱之以羽。舞之以干戈。此迎冬之樂也。劉昭續漢祭祀志補注。又太平御覽卷五百二十八禮儀部同引此。惟首句上。增天子迎四節曰天子迎九字。又田車載旄。作戟矛。田車載戟。作戟弓。田車載兵。作戟戟。田車載甲下。鐵鑿二字。助天鋤。作助天誅。加之干戈。作舞之。簫。所以迎四時樂。秋養九志於西堂。冬養九勝於北堂。養後三日而止。天子行殺。必順天道。御覽多此六句。然僅言秋養冬養。而無春夏。似所引非全文。又九志。九勝。未詳。

夏則衣赤衣。佩赤玉。乘赤輅。駕赤騮。載赤旗。以迎夏於南郊。其祭先黍與雞。居明堂正廟。啓南戶。藝文類聚卷三歲時

部。初學記卷三歲時部。太平御覽卷二十一時序部。又北堂書鈔卷一百五十四歲時部。引夏則居明堂正廟。一句。

秋則衣白衣。佩白玉。乘白輅。駕白駱。載白旗。以迎秋於西郊。藝文類聚同上。秋居明堂右。啓西戶。北堂書鈔。引此二句。

冬則衣黑衣。佩元玉。乘元輅。駕鐵驪。載元旗。以迎冬於北郊。其祭先豕。居明堂後廟。啓北戶。藝文類聚同上。太平御覽卷

二十六時序部。

君使大夫弔於國君禮。錫衰。衰裳弁絰。有絰下馬。大夫爲介亦如之。士介者。將命者。總麻裳弁絰。異姓葛。

同姓麻。太平御覽卷五百六十一禮儀部。

已上諸書所引並題皇覽逸禮。

衛史鰭病且死。謂其子曰。我死治喪於北堂。吾生不能進。遽伯玉而退。彌子瑕。是不能正君也。生不能正

君者。死不當成禮。死而置尸於北堂足矣。靈公往弔。問其故。其子以父言聞於靈公。公失容曰。吾失矣。立

召遽伯玉而貴之。召彌子瑕而退之。徙喪於堂。成禮而後去。藝文類聚卷二。十四人部。

天子之著九尺。諸侯七尺。大夫五尺。士三尺。著千歲三百莖。先知也。藝文類聚卷八。十二艸部。

太公爲太師。周公爲太傅。召公爲太保。太平御覽卷一百六職官部。二。

天子龜尺二寸。諸侯八寸。大夫六寸。士民四寸。龜者。陰蟲之長也。龜三千歲上遊於卷耳上。老者先知。故

君子舉事必考之。太平御覽卷九百三十一麟介部。

已上四事。祇題逸禮。而不著皇覽。附編存考。

三皇禪云云。盛意也。五帝禪亭亭。特立於身也。

太平御覽卷五百三十六禮儀部。又北堂書鈔卷九十一禮儀部。祇引禪云云。亭亭二句。而無特立於身二句。

王者必制巡狩之禮何。尊天重民也。所以五年一巡狩何。五歲再閏。天道大備。所以至四獄者。盛德之山。四方之中。能與雲改雨也。巡狩者何。巡。循也。狩。牧也。爲天循行牧民也。

太平御覽卷五百三十七禮儀部。又文選卷五。巡狩者何。巡者。循也。狩者。牧也。謂天子巡行守牧也。

已上二事。題禮記逸禮。未審是否皇覽之文。今依類編於末。

冢墓記

黃帝冢。在上郡橋山。

史記集解卷一五帝本紀。

顓頊冢。在東郡濮陽頓邱城門外廣陽里中。頓邱者。城門名。頓邱道。

史記集解同上。又劉昭補注續漢郡國志。

王莽時。使使者祠

顓頊冢。

太平御覽卷五百六十禮儀部。多王莽時二句。而無頓邱者三句。續漢志補注。同無。又水經淇水注。引頓邱者。城門名。二句。

蚩尤冢。在東平郡壽張縣闕鄉城中。高七丈。民常十月祀之。有赤氣出如匹絳帛。民名爲蚩尤旗。肩髀冢。

在山陽鉅野縣重聚。大小與闕冢等。傳言黃帝與蚩尤戰於涿鹿之野。黃帝殺之。身體異處。故別葬之。

史記

集解同上。又水經濟水注。菑文類聚卷四十禮部。太平御覽卷二十七時序部。卷五百六十禮儀部。太平寰宇記卷十三河南道。卷四十六河東道。並引之。赤氣出如匹絳帛句下。寰宇記育自上屬下四字。續漢郡國志注。引蚩尤冢在壽張縣闕

城中。高五丈三句。史記索隱卷九封禪書。亦引二句。

帝嚳家。在東郡濮陽頓邱城南臺陰野中。史記集解同上。又水經漢水注。曰頓邱者。城門名。

堯家。在濟陰城陽。史記集解同上。

舜家。在零陵營浦縣。其山九谿皆相似。故曰九疑。史記集解同上。又史記正義卷六秦本紀云。舜家在零陵郡營浦縣九疑山。

皐陶家。在廬江六縣。史記集解卷二夏本紀。又續漢郡國志補注云。六安國。皐陶家在縣。

禹家。在山陰縣會稽山上。會稽山本名苗山。在縣南。去縣七里。史記集解同上。又賈公彥周禮疏卷三十三云。禹家在山陰會稽山。本苗山。縣南七里。

湯家。在濟陰亳縣北東郭。去縣三里。家四方各十步。高七尺。上平處平地。漢哀帝建平元年。大司空御史

長卿案行水災。因行湯家。史記集解卷三殷本紀。又水經汝水注。北堂書鈔卷九十四禮儀部。太平御覽卷五百六十禮儀部。云。湯家在濟陰亳縣北郭。家四方。八十步。高七尺。上平。

伊尹家。在濟陰己氏平利鄉。史記集解同上。又水經汝水注。伊尹鄉。鄉有井。又續漢郡國志補注云。己氏有平利鄉。鄉有井。

文王武王周公家。皆在京兆長安鎬聚東社中。史記集解卷四周本紀。又續漢郡國志補注云。文王。周公。皆在鎬聚東社中。太平御覽卷五百六十禮儀部。云。周文王武王周公家。

皆在京兆長安縣。

周靈王家。在河南城西南柏亭西周山上。蓋以靈王生而有異而神。故諡靈王。其家民祀之不絕。史記集解同上。又水經各水注。曰。周山在柏亭西北。又續漢郡國志補注云。城西南柏亭。西山上。周靈王家。民祀之不絕。

景王家。在洛陽太倉中。秦封呂不韋洛陽十萬戶。故大其家。並闢景王家。史記集解同上。又續漢郡國志補注云。王子朝家。在西鄂縣西。

子朝家。在南陽西鄂縣。今西鄂晁氏。自謂子朝後。史記集解同上。又太平御覽卷五百六十禮儀部。云。王子朝家。在南陽西鄂縣。

西·原注。
題·音猛。

秦繆公家在褒泉宮祈年觀下。史記集解卷五秦本紀。又水經渭水注。太平御覽禮儀部。同上卷。

秦武王冢在扶風安陵縣西北畢陌中。大家是也。人以爲周文王冢非也。周文王冢在杠中。史記集解同上志補注云。安陵縣西北畢陌。秦武王冢。

志補注云。安陵縣西北畢陌。秦武王冢。

亞夫冢在廬江居巢縣郭東。居巢廷中有亞父井。吏民皆祭亞夫於居巢廷上。長史初視事皆祭然後從

政。後更造祠於郭東。至今祠之。史記集解卷七項羽本紀。又水經泗水注。郭東居巢止。廷。作亭。祭亞夫於居巢廷。廷。作廬。又續漢郡國志補注云。太平御覽卷五百六十禮儀部。

項羽冢在東郡穀城東。去縣十五里。史記集解同上。又續漢郡國志補注云。穀城縣東十五里有項羽冢。又水經濟水注。

漢惠帝陵山高三十二丈。廣袤百二十步。居地六十畝。史記集解卷九呂后本紀。

高帝呂后山各一所。史記集解同上。

萇宏冢在洛陽東北山上。史記集解卷二十八封禪書。又續漢郡國志補注曰。雒陽縣東北山長宏冢。

太伯冢在吳縣北梅里聚。去城十里。史記集解卷三十一吳太伯世家。又太平御覽卷五百六十禮儀部。云。吳太伯冢。在會稽吳縣北。去城十里。

太伯始所居地名

句吳。續漢郡國志補注。多末二句。

延陵季子冢在毘陵暨陽鄉。至今吏民皆祀事。史記集解卷三十一。又續漢郡國志補注云。毘陵暨陽鄉。

呂尙冢在臨菑縣城南。去縣十里。史記集解卷三十齊太公世家。二齊太公世家。在齊桓公冢南。桓公冢西北有晏嬰冢。續漢郡國志補注。多末三句。

齊桓公冢在臨淄城南十七里所蓄水南。史記集解同上。孟嘗君與齊桓公冢同處。太平御覽卷五百六十禮儀部。多末一句。又城南十七里。作二十

里。蓄水。作淄水。

齊頃公冢近呂尚冢。史記集解同上。

齊景公冢與桓公冢同處。史記集解同上。

華元冢在陳留小黃縣城北。史記集解卷三十八宋微子世家。

號公冢在河內溫縣郭東濟水南大冢是也。其城南有號公臺。史記集解卷三十九晉世家。又水經濟水注曰。號公臺。基趾尚存。又太平御覽卷五百六十禮儀部

郭東。潞水南。有號公冢。又續漢郡國志補注曰。溫縣

楚武王冢在汝南郡鮦陽縣葛陂鄉城東北。民謂之楚王岑。漢永平中葛陂城北祝里社下於土中得銅

鼎而銘曰楚武王由是知楚武王之冢。民傳言秦項赤奮之時欲發之輒頽壞填壓不得發也。史記集解卷四十楚世家

續漢郡國志補注。又太平御覽卷五百六十禮儀部。鮦陽郡。汭曰。鮦。音約

孔子冢去城一里冢塋百畝冢南北廣十步東西十三步高一丈二尺冢前以瓴甃爲祠壇方六尺與地

平本無祠堂冢塋中樹以百數皆異種魯人世世無能名其樹者民傳言孔子弟子異國人各持其方樹

來種之其樹柞枌椎離女貞五味桺檀之樹孔子塋中不生荆棘及刺人艸。史記集解卷四十七孔子世家。又

子菜後有欒樹。又邢昺孟子正義卷五。太平御覽卷五百六十禮儀部。太平寰宇記卷二十一河南道。去城一里。御覽多魯城北便外南七字。又水經濟水注曰。孔子弟子各以四方奇木來植。故多諸異樹。不生荆棘。今則無復遺餘矣。

伯魚家在孔子家東與孔子並大小相望。史記集解同上。又太平御覽卷五百六十禮儀部。曰伯魚墓在孔子家東邊與孔子並大小相望。

子思家在孔子家南大小相望。史記集解同上。太平御覽同上。

盜跖家在河東大陽臨河曲直宏農。陰山潼鄉。史記集解卷六十一伯夷列傳。又續漢郡國志補注曰。大陽盜跖家臨河。

靖郭君家在魯國薛城中東南陲。史記集解卷七十五孟嘗君列傳。太平御覽卷五百六十禮儀部。

孟嘗君家在魯國薛城中向北東向北出北邊門。史記集解同上。太平御覽同上。

呂不韋家在河南洛陽北邙道西大家是也。民傳言呂母家不韋妻先葬故其家名呂母也。史記集解卷八十五呂不韋列傳。太平御覽同上。

不韋死獲過於始皇矣。民傳云不韋好書皆以葬。漢明帝朝公卿大夫諸儒八十餘人論五

經得失符節令宋久上言臣聞昭王與不韋好書皆以書葬王至尊不韋久貴家皆以黃腸題湊處題高

燥未壞臣願發昭王不韋家視未燒詩書。御覽多此十八句。又續漢郡國志補注曰。雒陽縣北邙山道西呂不韋家。

孫叔敖家在南郡江陵故城中曰土里。民傳孫叔敖曰葬我廬江陵後當爲萬戶邑去故都郢城二十里

所或曰孫叔敖激阻水作雲夢大澤之池也。史記集解卷百十九循吏列傳。又續漢郡國志補注曰。孫叔敖家。在江陵城中四十里。按此則表載集解曰十一里三字當是四十里三字刊誤。

子產家在河南新鄭城外大家是也。史記集解同上。太平御覽卷五百六十禮儀部。

偃師西北有臯陶祠又有湯亭有湯祠。續漢郡國志補注。

臯太子南出葬在閔鄉南秦又改曰寧秦。續漢志補注同上。

衛思后葬長安城東南桐松園。今千人聚其續漢志補注同上。

有蒼頡家。在利陽亭南。墳高六丈。續漢志補注同上。學書者皆往。上姓名投刺。祀之不絕。藝文類聚卷四十禮部多末三句。

漆有師曠家。名師曠山。續漢志補注同上。又太平御覽卷五百六十禮儀部曰。師曠家在右井風。名曰師曠山。人民不敢上其山。

奄里伯公家。在城內祥舍中。民傳言魯五德奄里伯公葬其宅。續漢志補注同上。

堯封唐堯山在北。唐水西入。河南有望都山。卽堯母慶都所居。相去五十里。都山一名豆山。續漢志補注同上。

伯樂冢。在定陶縣東南一里所。高四五丈。續漢志補注同上。又太平御覽卷五百六十禮儀部。

葉縣西北去城三里。葉公諸梁冢。近縣祠之。曰葉君邱。續漢志補注同上。又太平御覽同上。禮儀部曰。葉公諸梁子高冢。在南郡葉縣西北去城三里。近縣民皆祠之。

太甲有冢。在歷山上。續漢志補注同上。

楚大夫子思冢。在當塗縣東山。鄉西去縣四十里。子思造芍陵。續漢志補注同上。

吳本國縣東門外孫武冢。又要離冢。縣西南。續漢志補注同上。

晏子冢。在臨淄城南。菑水南。桓公冢西北。史記正統卷六十二管晏列傳。

趙簡子墓。在臨水縣界。冢上氣成樓閣之狀。北堂書鈔卷九十四禮儀部。

好道者言黃帝乘龍升雲。登朝霞。上至列闕。倒影經過天宮。藝文類聚卷一。天部。天體如車。有日月懸著。何有可上

哉。太平御覽卷二天部多末三句。

秦始皇家。在驪山之古驪戎國。今之世顯豐。晉獻公伐驪戎。獲二女。其山陰多黃金。其陽多美玉。謂藍田是也。故貪而葬焉。并天下亡徒十餘萬人。穿八池。洞三泉。而致棹。宮觀奇器。珍怪諸物。藏之。令一匠人作機弩。人有近穴。輒射之。以水銀爲百川。江河大海。金銀爲鳧鴈。機關轉相幹旋。終而復始。上具天文。以人魚膏爲燈。度久不滅。後宮無子者。皆狗。從死者甚衆。恐匠知之。殺工。匠於藏中。因閉羨門。覆土。樹艸木。以像山。墳高五十餘丈。周迴五里餘。後項籍燒其宮觀。關東賊發之。後牧羊兒亡羊。羊入藏中。持火覓羊。燔其棹。後賊遂取其金銀奇器。太平御覽卷五百六十禮儀部。又卷八百十二珍寶部。曰。關東賊發始皇墓。中有水銀。又史記集解卷六秦始皇紀。引始皇墳高五十餘丈。周迴五里餘。二句。

太上皇葬萬年。高帝父也。高帝葬長陵。孝惠帝葬霸陵。諸陵皆用瓦器。不爲墳。王莽之亂。天下無道。獨無災害。景帝葬陽陵。孝武帝葬茂陵。孝昭皇帝葬平陵。孝宣皇帝葬杜陵。孝元皇帝葬渭陵。元帝下詔曰。無置徙民。令天下無騷動之憂。自是園陵不置邑。孝成帝葬延陵。孝哀帝葬義陵。孝平帝葬原陵。孝文皇帝弟淮南王長坐謀反誅。後置園陵。長好道。事八公。世之愚者云。長仙。醫巫訖云。淮南好道。百官皆得仙。狗吠雲中。雞鳴天上。東平思王家。在東平。松皆西靡。太平御覽同上。又漢書東平思王傳注。引皇覽云。東平思王家在無雙。人傳言王在國思歸京師。後葬。其家上松柏皆西靡也。按此事。文。劉孝標重刊劉琨書注。引聖賢家集記。其語最詳。蘇文類聚卷八十八太都。亦照聖賢家集記。據隋志地理類。別有李彤聖賢家集記一卷。

奚仲家。在魯國。當云薛縣東去縣二十五里山上。因名奚仲山。山下名奚仲亭。太平御覽同上。夏育家。在濟南歷山上。太平御覽同上。

魯大夫叔梁紇冢。在魯國東陽聚。安泉東北八十四步。名曰防冢。民傳言防墳於地微高。太平御覽同。

蘭陽城西有山。名豹陵。太平實字記卷二河南道。

河南城內有周山。一名小亭山。太平實字記卷三河南道。

荊城。是戰國時魏將龐涓與孫臏相持處。太平實字記卷同上。

全節章邱。兩縣界有神迹。是姜姬所履處。太平實字記卷十九河南道。

黃帝葬橋山。太平實字記卷三十四關西道。

河內溫城南有號公臺。相傳云。晉宣帝改邑。集溫父老登此臺宴飲。父老奉觴慶賀。因謂之賀酒臺。太平實字

記卷五十二河北道。

叢臺。在邯鄲小城內。太平實字記卷五十六河北道。

已上六十六事。史記正義。太平御覽。實字記。皆題皇覽冢墓記。史記正義。惟引舜冢一事。題名冢墓記。太平御覽。於首引黃帝升仙。及蚩尤冢。顧瑣

冢。三事。俱題冢墓記。實字記引龐涓孫臏相持處。姜姬所履處。孔子冢。黃帝橋山。蚩尤冢。俱題冢墓記名。知此與逸禮並皇覽分篇裴駟劉昭鄺道元等注

書。雖未標題冢墓記名。然其所引確爲一篇中語。故依類編之。

漢冢之葬。方中百步。已穿鑿爲方城。其中開四門。四通足放六馬。然後錯渾雜物。扞漆綰綺金寶米穀。及埋車馬虎豹禽獸。發近郡卒徒。置將軍尉候。以後宮貴幸者。皆守園陵。元帝葬。乃不用車馬禽獸等物。漢書

禮儀志
補注。

按此疑亦當在冢墓記篇。以劉昭徵引。祇題皇覽。未標篇名。故別編於篇末。

計然者。漢上人也。博學無所不通。尤善計算。嘗南遊越。范蠡卑身事之。其書則有萬物錄。著五方所出。皆

直述之事。漢書貨殖傳五。

記陰謀。黃帝金人器銘曰。武王問尙父曰。五帝之誠。可得聞乎。尙父曰。黃帝之誠曰。吾之居民上也。搖搖。恐夕不至朝。故爲金人三封其口曰。古之慎言。堯之居民上也。振振。如臨深淵。舜之居民上也。慄慄。恐夕不日。武王曰。吾並殷民。居其上也。翼翼。懼不敢息。尙父曰。德盛者守之以謙。守之以恭。武王曰。欲如尙父言。吾因是爲誠。隨之身。太平御覽卷五。百九十文部。

已上二事。不題篇名。陰謀記或是分篇。而他無考見。故附後存考。

歲
華
紀
麗

韓
鄂
撰

中
華
書
局

叢書集成初編所選祕冊彙函
唐宋叢書津逮祕書及學津討
原皆收有此書四書多寡同唐
宋既殘損太甚津逮學津皆缺
總目祕冊有總目且時代最早
故據以影印

歲華紀麗序

夫以氤氲未判混然標有物之名清濁肇分炳
爾載流形之域自此二儀並建五德相生星躔
潛運於璿璣日舍不停於黃道春萌夏育八節
爰授於人時秋肅冬終四氣克成於歲序泊乎
時新舜曆莫換堯階均陰陽於十二管中分晝
夜於一百刻內光陰電逝難量開闢之功霜露
回環莫測幾終之極良由機張造化織出年華
英雄假之以建功建名賢達競之而立言立德

遂至天文再郁人道中興編修不泯於鉛毫述
作荐輝於霜簡深惟後覺難以周知伏覩昌黎
韓公著歲華紀麗者擷奧典之雅言具聯文而
廣記所以發詞林之蔚蔚湊學海以汪洋起自
元正訖于除歲總成數卷列乃多門非惟鼓吹
於詩風抑亦條網乎事類是使古先之言行聚
集於見聞成章頗異於編年舉旨無逾乎繫日
茲所謂據時歲華煥之事紀聖賢美麗之言云
耳謹序

自駢麗之體盛文士往往採集語對以資窘腹
如珠叢採壁諸書即休文子慎亦復不廢編纂
至唐而俳偶益工初學等書便專取事對今觀
歲時一部便有專帙當時崇尚可知已孝轅語
予編此書者以作記事珠可耳若欲借之爲四
六津梁則去之愈遠信哉繡水沈士龍識

吾鹽藏書推鄭簡公家最多其孫蓋伯名忠材
博雅能讀祖書余借觀其書錄有歲華紀麗目
所未覩其本從宋刻抄得爛去末卷二紙又差

訛特甚蓋伯命余即從原本校正凡改易增減
千三百字汝納及友人姚孟承又改五百許字
然後可讀時俞羨長刻唐類函併寫一通貽之
令入歲時部也海鹽胡震亨識

歲華紀麗卷第一

唐韓鄂撰 明沈士龍胡震亨同校

春

春爲青陽

爾雅云春爲青陽謂萬物生也

雲成白鶴

易說曰春有白鶴之

雲也

太簇司律

正月律管也

蒼靈奉塗

文選云句芒之神奉塗引道樂

正習舞

禮將舍奠于先師也

女夷鼓歌

淮南子曰二月之夕女夷鼓歌以司

天和女夷者神名也

風回解凍

月令

歲適載華

顏延之詩云昔辭秋未素

今已歲載華乃春也

雷方出地

見易

魚已上冰

月令

時屬酸羶

日惟甲乙

並出月令

帝稱太皞

以木德王天下

神曰句芒

少皞

氏之子爲木官也

遲遲

春日遲遲

穫穫

選云播芳藳之穫

性仁事貌

其性仁其事貌

味酸臭羶

其味酸其臭羶

有司布農事之日天

子耕藉田之辰

並見月令

食牟

食麥與牟

獻雀

見元日注

章臺

之使以來

玉臺詩云驛使前日

發章臺傳道長安信早來棠梨宮中燕初至葡萄館

裏花正開

曲江之會端至

據詩云唐時春放榜進士既捷列名於慈恩寺謂之

題名大宴于曲江亭子謂之曲江會

器疏以達牲無用牝

月令蟲旣

昭蘇物方駘蕩

駘徒改切選云春物方駘蕩民情以鬱陶春光貌

禁伐

木

爲其長養獻種稑

周禮云上春王后率六官之夫人獻種稑之種于王

風人

雨物

管子曰吾不能以春風風人夏雨雨人吾道窮矣

寅賓

日出

平秩

東作

蟲鱗音角祀戶祭脾月條風春風為條風穀雨

亦曰榆莢雨三月中氣也觀惠風於媚景梁元帝纂要曰春為青春芳春陽春

三春九春天曰蒼天風曰陽風風暄風柔風景曰媚景和景韶景對韶節以芳

時時曰嘉時芳時辰曰良辰嘉辰弱草茂林弱草芳草木曰文木華樹陽

林茂林芳林華林水曰綠水陽禽候鳥時陽禽好鳥陽禽候鳥時

禽好鳥好禽司分少皞氏以燕鳩為司分氏道

同傳曰日分道同也注鶯至鴈來春分之日玄

來鴻雁日夜分分平草木動萌動柳三眠而盤地

漢武帝苑中瑞柳一日三起三眠也花五出以照人韓詩外傳云草木之花五

也出三陽革故

正月三陽生也

千里共尋

隋盧思道詩云聊把一尊酒共

尋千里春

斗轉東而天下皆春鴈向北而嶺邊先煖

鴈冠子曰斗柄東指天下皆春雁向北即候鴈北也此爲三陽日

已改趙衰之

愛日爰吹鄒衍之和風

傳曰趙衰冬日之日也夏日可畏冬日可愛燕

地有寒谷不毛鄒衍將律吹之以召和氣而禾黍生焉

詩人之黃鸝出谷

詩曰出自幽谷遷于喬木

太守之白鹿行春

後漢鄭弘爲臨淮太守行春有

兩白鹿隨車夾轂而行

陸凱寄一枝之春色

陸凱與范曄相善自江南

寄梅一枝詩長安與曄贈詩云折花逢驛使寄與隴頭人江南無所得聊贈一枝春

伶倫

截六管以和音

呂氏春秋云黃帝使伶倫截嶰谷之竹斷二節間長三尺八分

吹之以爲十二篇以應鳳鳴其雄有六爲律其雌有六爲呂也

歲始寄梅花而以覺春來

帝王世紀曰堯時瑞

每朔日生一葉月半至十五葉自十六日已後

日落一葉至月終而盡落月小盡則餘一葉卷

而不落銅盤取露以服風以服度曰天子孟春之月

服入方之風以其被八音風吹也桃花和雪以饋面史略云北

齊盧士深妻崔林義之女有才學春日以桃花

和雪與兒饋面云取紅花與兒洗面作妍花非一種

華取雪白取花紅與兒洗面作華容花非一種

簡文帝詩云綺花非二種風絲亂百條日上三竿右詩云日上三竿風露消節

移陰管自符河內之灰

楊泉記云弘農宜陽金

草爲灰以候陽氣故陽管春動陽鍾又應金門

爲律陰管爲呂以象鳳鳴

律異物論云聽五聲清濁之和然後制爲鍾律律中有黃鍾律陽鍾以乾之初九金門

之竹見

鷹化鳩而及候以養國老鄭玄注取變

舊爲新宜以養老而助生氣也麥覆雉以當時宜春苑中春始

婦披香殿裏作春衣苔始綠而藏魚麥纔青而覆雉氣變東郊寒收北陸

風擺而柔條未綠時熙而嫩草抽黃月令云迎

北陸主冬寒也文選詩云庭蘭已香潤蒲猶小

風煖而鷺南鴈北日蘇而柳暗花明文選詩云

密花盡覺梅疏蘭生未可折蒲小不堪書淮南子云女夷鼓歌以司天和以長百穀禽獸草木

燕南雁北春女悲
木鐸規時見下土牛誠候月令

牛示農耕也
道人振鐸書注云所以楚雀綠條陽

之春日詩云
璚衡運周歲星更始傳云

星紀而淫玄枵注云謂天有十
郊麗迎春之日

時聞震蟄之雷
鳥聲千種庾子山賦云新年

楊花滿路
楊枝一尋張謂感春詩云梧桐卦審吉

凶周禮龜人火新榆柳周禮燧人

榆柳策占兆審卦之吉凶候玄鳥而祠高禘月歌青陽而祭天地後

書立春日于東郊祭青帝歌青陽

舞雲翹辭曰青陽載動根荄已遂

正月

改秦諱

秦始皇以正月生因名政後諱之改正字從平聲

行夏時

夏正建寅

爲正月

春秋始事

春秋之法書元年春正月者所以敬始事者也

象魏懸

灋

周禮云正月之吉始和布令于邦國都鄙使萬民觀之

斗建寅位時祠

岳鎮

月令云正月之節斗建寅之初又云命祠岳鎮海瀆

星始運於銅渾

氣微生於玉琯

銅渾以應天之星數目正月則銅渾更始以測一年之星度又

正月爲三微之月陽氣初生爲微以王爲琯

律中太簇氣至東郊

謂立

春之日迎春氣也

司曆候而命乎太史

立春後五日命太史司天曆候

書慎滿是釁龜策占兆審卦吉凶也又祭風師

行慶惠而及彼兆人

月令

以應春氣鴈序南迴斗衡東指貯神水以効祥四時要云

立春日貯水謂之神水釀酒不壞養鯉魚而致富陶朱公養魚法取鯉魚二

十尾以立春後上庚日蒙龜見上祭獺禮記云立春之

放之則生子不相食日東風解凍後五日蟄虫始振後五日魚上冰

雨水之日獺祭魚後五日鴻鴈來後五日草木萌動雲晴方喜於鴈來沙煖更觀於獺祭並見上注修

其封疆而端徑術月令云布農事舍東郊修封疆端術善相丘陵限險原隰

云修祭典耕籍田是月也天子親耕藉田命樂正習舞修祭典命祀岳鎮海

瀆犧牲孟陽梁元帝纂要云正月爲孟陽亦無用牝日孟春上春初春開春發春

歲亦曰獻歲初歲開歲肇歲芳歲華歲首歲獻進也日月乍逼於虛危

晷曉正當於心昴

正月心中黃昏時昴星正當午位

日在虛昏昴中曉

曉時心星正當午位故云昏昴中曉心中日入後二刻半爲昏日未出前二刻半爲曉

漢帝

賜羹之候

金谷園記云武帝常以正月殺臬爲羹以賜羣臣食之云使天下之人知

殺絕其惡類者也

幽人于耜之時

詩云三之日于耜正月也幽土多寒至是

日方就耕

上春建寅

見上注

六律調元太簇克宣於和

煦四時成歲青陽潛運於發生

見上

木鐸振文彤

庭習舞玉管調音於律呂金鳥點翼於虛危

木鐸

振文教也月令云天子乃以元日祈穀于上帝命樂正習舞玉管吹律之管也金鳥日也躔在

虛危凡中氣前後去節十五日

德惟在木月以建

寅

見上

雲物乍成於白鶴氣候方表於青陽

風

惟滌滌

夏小正云正月啓蟄雉晨雖時有浚風滌滌變煖也

木漸欣欣

選云

木欣欣以向榮

元日

八節之端

履端於始歲旦更始四序端爲資始亦云四始又云端日謂履端者也

三元之始

聖人考曆數以正三元此聖人知命之術歲之元日之元時之元也

開

甲子於新曆

沈佺期詩云洛陽新甲子何日是清明

發風光於上

春七十二候之初三百六旬之首

皆元日也

磔雞

斬羊

宋書歲朔縣官斬羊置其頭于門又磔雞以祠之俗說以厭厲氣裴玄以問河南伏

君伏君曰是上氣上升草木萌動羊甯放鳩獻

雀

列子曰邯鄲民以正朝旦獻鳩于簡子

曰得賞競捕之不如不賞之愈也又地理志榮陽有厄公井沛公避項羽雙鳩集井上故漢時

正旦放鳩獻雀已注于下稱崔寔之觴酒崔寔月令云元日進

次列于几之前各上椒酒于奪戴馮之席東觀漢記

家長稱觴舉壽欣欣如也戴馮爲侍中正旦朝賀百僚畢會帝命羣臣能說經史更相難詰義有不通輒奪其席以益通

者馮乃重坐五十餘席爆竹鑽榆見上造勝華董勛問禮

日造勝華以相遺象瑞圖金勝之形又云象西王母正月七日戴勝見武帝于承華殿藏

糞帚

搜神記云昔有商人歐明乘舩過青草湖忽遇風晦暝而逢青草湖君邀歸止家堂

宇甚麗謂歐明日惟君所須富貴金玉等物吾
 當與卿明未不知所答傍有一人私語明曰君但
 求如願不必餘物明依其人語湖君默然須臾
 便許及出乃呼如願是一少婢也湖君語明曰
 君領取至家如要物但就如願所須皆得明至
 家數年遂大富後至歲旦如願起晏明鞭之如
 願以頭鑽糞帚中漸沒失所在明家漸貧故
 今人歲旦糞帚不出戶者恐如願在其中也
首
祚元正 王義之月儀書云日往月來元正首祚
 大簇告辰微陽始布罄無不宜和神養
進屠蘇 俗說屠蘇乃草菴之名昔有人居草
 菴浸井中至元日取水置於酒樽合家飲之不
 病溫疫今人得其方而不知其人姓名但曰屠
 蘇而**燒骨融** 歲除夜燒骨融**吞雞** 風土記云元
 已**燒骨融** 為熙庭助陽氣**吞雞** 旦當生吞雞
 子一枚謂**飲墨** 北齊正旦會侍中黃門郎宣詔
 之練形**飲墨** 勞諸郡上計勞訖命遺紙陳事

宜字有脫誤者呼起席書迹濫劣者令飲墨貼
水一升文理孟浪者奪客刀及席事多不錄貼

畫雞於朱戶

歲時紀云元日貼畫雞於戶上插符於其中而百鬼畏之獻彩

雀於彤庭

孔叢子曰邯鄲人以正旦獻雀於趙王綴以五采王大悅餽列辛

盤觴稱椒酒桃桃板署門而納慶葦繩羅戶以祛

災

辛盤見下注椒酒見上注山海經云東海度朔山有大桃樹下有二神一日神荼一日鬱

壘能啖百鬼故今元日設桃符於門以象之歲時記曰設筆索於門上以畏百鬼獻羔

令節祈穀嘉辰

月令天子獻羔開冰先薦寢廟又元日祈穀於上帝噀杯

銷蜀郡之火災飄雪觀荊州之木屑

神仙傳曰樂巴蜀人

爲尚書正旦大會得酒不飲向西南嚔之有司奏巴不恭謝曰臣里失火以此酒爲雨救之後

蜀郡奏元日成都大火其日東北有大雨至救
火雨中有酒氣晉陶侃字士行爲荊州牧勅造
船官收餘木屑後元日會值大雨雪
庭泥於是悉著屑灑覆之朝賀無妨
荆楚歲時記曰山魃鬼犯
人則病惡爆竹之聲也
松標高戶董勛問禮俗有歲首
酌椒酒而飲之者何也以椒性芬香
又堪作藥又折松枝于戶以同此義
律煖而池
冰消玉風和而園柳綻金
盤號五辛風土記云元日
食五辛以練稱觴稱萬壽崔寔元日納慶著椒花
形以助五藏
之頌祛災獻柏葉之銘晉書劉臻妻獻椒花頌曰旋風周回三朝啓建
青陽散輝澄景載煥美哉虛葩爰採爰獻聖容
映之永壽於萬庾信正朝賚酒詩正朝辟惡酒
新年長命杯柏葉隨銘至椒花逐頌來流星向
旋落浮燈對春開成都方救火蜀使幾時來

應乾納祐與日同休文選位正元陽氣和端月

朱戶駢羅於仙木

歲時記元日造桃板于戶謂之仙木象鬱壘之山桃百鬼

所畏綠醺瀲灩於壽杯

晉咸康四年十二月丙子正旦會百寮增賜醺綠酒

人二升壽杯見上

璿璣改度日月重新

王悅賀正表曰三辰改運元正

啓祚又元肅賀儀曰元正首祚璿璣改度伏惟萬壽云云

導和而應鳳應凰

履端而獻鳩獻雀

月令疏云正月律中太簇黃帝使伶倫自大夏之西崑崙

之東取嶰谷之竹制爲十二管以聽鳳凰之鳴其應鳳者爲律應凰者爲呂鳩雀事已見於上

蜀郡火災

見上

西京水戲

漢明帝使博士馬均引東水轉百戲又正月朝

造巨獸魚龍曼延如漢西京故事

三微始布六律初調

白虎通謂正月

爲三微言陽稱萬壽於彤庭資百福於皇室謂元

會受四海之圖籍膺萬國之貢珍內撫諸夏外

接百蠻文選以天子當元會也華元放囚江淹賞士北齊書張

華元字滿國爲兗州刺史獄有繫囚謂曰三元

之始念卿幽閉今給假五日足得展謁親友至

期當還也果應期而至梁典謝舉初爲太學博士

與兄覽預元會江淹一見並皆欽挹曰此可

謂御二龍戲造魚龍事已見上術呼牛馬五行書云

於長途耳進酒降神湔裳度厄玉燭寶典云今

至門前呼牛馬六畜並爲人進酒降神湔裳度厄元日至今

並爲人進酒降神湔裳度厄元日至今

女湔裳度厄元日至今

人日

一二稱雞狗六七爲馬人

董勛問禮俗曰正月一日爲雞二日爲狗

三日爲羊四日爲猪五日爲牛六日爲馬七日爲人
以陰晴爲豐耗正旦畫雞於門七日鑊人

於金

菜羹花勝

歲時記云人日以七種菜爲羹剪綵爲花勝以相遺也

漢

帝之會承華殿

西王母頭戴華勝以正月七日會帝於承華殿

宋王之

登望仙樓

見下

竹葉酒

酒名

梅花粧

武帝女壽陽公主八月臥

于含章簷下梅花落公主額上成五出之花拂之不去皇后留之自後有梅花粧是也

山

魏東平王登壽張安仁山銘曰正月七日飲厭日惟人策我良駟陟彼安仁出述征記

飲

爵

壽陽記云正月七日宋王登望仙樓會羣臣父老集於城下令皆飲一爵文武十人拜賀

上稽董勛之問俗時則罔愆

六七爲馬人已見上注

考陳

氏之見儀事乃不忒

劉臻妻陳氏進見儀曰正月七日上人勝于是也

鏤人

董勛問禮俗云人日鏤金薄爲人以貼屏風戴於頭髮起自晉代賈充妻李氏夫人

云俗人人新年形容改舊從新也

熏天

述征記云人日作煎餅於中庭謂之熏天

狗耳翦人形

荆楚歲時記云人日夜多鬼鳥過人家槌床打戶振狗耳滅燈燭以

禳之翦形見上趙伯符七日之歡

壽陽記曰趙伯符爲豫州刺史立義樓每

至元日人日七日月半乃於樓上作樂樓下男女盛飾遊看作樂

薛道衡二年

之歎

薛道衡人日詩曰立春纔七日離家已二年人歸落鴈後思發在花前

飲竹

葉之一觴粧梅花之滿面

並見上注

上元

祭戶遺風

荆楚歲時記云今州里風俗望日祭門戶先以柳條插於左右門上乃以

酒脯飲食豆

觀燈故事

涅槃經云如來闍維訖收舍利罌置金床上天

人散花奏樂繞城步

火樹

唐蘇味道看燈詩云

步燃燈滿十三里

火樹

銀花合星橋鐵

鎖開暗塵隨馬

燈樓

唐玄宗於上陽宮建燈樓

去明月逐人行

微風將至

帝女巢成而得仙

銷然成韻

帝女巢成而得仙

廣陽記云南方赤

鵲以正月一日

嚙柴作巢至

僧徒雲集而觀雨

西域記云摩竭陀國正月十五日僧

徒俗衆雲集觀佛舍利放光雨花

漢帝之建

白馬

漢武帝時摩騰竺法蘭以白馬馳經至帝

是日設大祭其夜以香火焚

釋道二教道

紅燬爐佛教宛然

帝遂建白馬寺

玄宗之遊涼州

葉法師時與

以鐵如神燈佛火崔液正月望夜遊詩神燈佛

意質酒神燈佛火崔液正月望夜遊詩神燈佛

試鼓傾城禰衡被魏武謫為鼓吏正月半試鼓

聲四坐為之改容又古詩云九陌連燈影燈火

千門共月華傾城出賣騎匝路轉香車

千門見上桑百倍續齋諧記云吳縣張成夜見

地是君蚕室我即地神明日正月半宜作白粥

泛膏於上以祭我必當令君蚕桑百倍俄失所

在如其言年年大得蚕今人無心玉臺詩曰去

作無粥謂之枯女對是也無心年正月半本

自無送酒古詩云漢帝窺桃核齊侯問棗卜於

心看送酒花上元應送酒來在蔡經家卜於

紫姑異苑曰其夕迎紫姑神以卜之本人家妾

為大婦所妬其日感激而死故世人至是

日作其形迎於廁云子胥不在曹姑

已行小姑可出于胥壻也曹姑姑也祀其太乙

史記樂書曰漢家記大乙以昏時祀到明

南油西漆

梁簡文帝看燈賦云何解東之

嘉月值蕤莢之盡開草含春而色動雲飛綵以皆來又云南油俱滿西漆爭然

漁陽操

曲名龍川蠟

賦又云蘇徵安息蠟出龍川斜暉交映倒影澄鮮蘇香名也

晦日

孟春晦日

晦者灰也言盡無光是如灰色者月之盡也

酺聚

大飲之名行

樂

荆楚歲時記云元日

送窮

金谷園記云昔顏頊帝時宮中生一

子性好著浣衣人作新衣與之即裂破以火燒穿暑宮人共號窮子其後以正月晦日死人葬之曰今日送窮子也

酹酒

玉燭寶典曰元日至

因此相承號送窮也

階莫彫

堯

月桂盡

謂月

犯

水濱又臨河渡厄

天陣不違晦以犯天提月公羊傳提月六鵬退

晦日也何休注提月邊也胸朐有警春秋不書

魯人語也在提月之幾盡而月見西方為朐春秋之例不書晦也月晦之

初年荆楚歲時記云每月皆有弦望以時俗以

為節見上當醕聚之時值莫枯之日見上大醕小盡

月有小盡有大盡三十日為大盡二十九日為小盡

二月

日在營室律中夾鍾律也柳舒西掖漢武西掖瑞柳又晉

書云二月中三月雷鳴東隅陶潛詩云仲春通時雨始雷鳴東隅

驚蟄之日桃始華

二月節也後五日倉庚鳴後五日鷹化為鳩

春分

之日驚乃至

二月節氣也後五日始電

東郊祭日

祀朝

日于

獻羔開冰

先薦寢廟也

楊花風

見上

榆莢雨

信庚

湯池碑云仲春則榆莢同流三月則桃花共下

無焚山修閭扇

皆順陽助氣也

巢人乞子以得富

昔巢氏時二月二乞得日子歸養之家便大富後以此日

出野曰採蓬茲向門

幽人擊鼓以迎春

周禮仲春書擊

土鼓以迎春也

同度量

平權衡謂晝夜

養幼少

月令養幼少存

諸孤無作事以妨農

注典兵役之事時將耕慮妨農功

順陽氣以

養物

無竭川澤無漉陂池無焚山林順陽氣以養物也又云去陞格正獄訟

獻鳩

周禮羅氏仲春獻鳩以養國老鄭玄注云集鷺

謂鷺

至也暖日融天和風扇物杏壓園林之香氣柳

籠門巷之晴煙

上丁

二月上丁舍奠於國學

後戊

春分前後

戊日爲社日月令命民社云云

蘭芽吐玉柳眼挑金

仲陽

梁元

帝纂要云二月仲春仲陽中春

淑景

亦曰媚景

剛日祭馬

祭馬祖用剛日

中和節

時維太平日乃初吉

作爲令節以殷仲春

發揮陽和幽贊生植

仲序

謂仲春也

中和

其節助發

生之德覃生育之恩

助陰陽之交泰表天地

之和同 當太平之昭代屬初吉之良辰 授

時建命備物陳儀

選文

二月初吉

詩云

朔日良時

乃

爲三長日
乃爲良時

二月八日

釋氏下生之日迦文成道之時

歲時記云二月八日釋氏下生

之日迦文成道之時信捨之家建入關齋戒車
輪寶蓋七變入會之燈故云今二月八日平旦
執香花遶城一匝謂
遶城遊一匝之行

本行經云二月

八日夜半太子被馬當出天使神
牽馬足出至走王內則行城中矣

在家守八關

之戒

阿那經云二月八日當行入關之戒佛飛
經云在家菩薩此日當行入關之齋戒飛

鳳盤龍

壽陽記梁陳典曰二月入日行城樂歌曰皎鏡壽陽官四面起香風樓形若飛

鳳城勢似盤龍

社日

祀勾龍

共工氏之子曰勾龍能平水土故祀以爲社

擇元日

月令擇元日命

民社爲祀社稷也春事與故祭之以祈農祥元日謂近春分前後戊日元吉也

白社

之青春

報本反始親地尊天

禮記共工氏之子爲后土能平

水土故祀以爲社故夫子曰大社必受霜露風雨以達天地之氣也社所以親地者也地載萬物天垂萬象取法於天所以尊天親地也社供塗盛所以報本反始也

受脤

傳曰戎有

受脤肉謂受氣于社也

升壇

李叔達祠社云升壇預結祀誥早肅分司椒蘭平酒酌簋

簋撤立社王爲羣姓立社月大社王自立社曰

社曰侯社大夫以置社見夏松殷柏語秋報春

祈春祭所以祈五穀之生陳平分肉陳平貧時

宰分肉甚均父老善之平曰阮脩伐樹晉阮修

伐社樹或止之修曰若社而爲樹伐封土報功

樹則社移樹而爲社伐樹則社亡矣設齋祭社佛

孝經緯曰社土地之主也土地潤設齋祭社佛

云世尊見殺牛羊以爲社秦齋守戒則獲福無量

矣坐殺害汝等何以爲社秦齋守戒則獲福無量

擇日命民上見瞻榆望杏隋牛弘春祈櫻歌云

用憑戢穀罷社魏志王修字叔治七歲母以社

佇詠豐年日亡來歲社日修哭甚哀鄰里

爲之
結宗
荆楚歲時記云社日四鄰並結宗會
罷社社姓醪爲屋於樹下先祭神然後饗
其胙鄭氏云百家共一社今百
家所社宗即共立社之義也

三月

日在婁星

中氣日在胃也

律中姑洗

三月律也

暄景

暮春

梁元帝纂要曰三月曰暮春亦曰季春晚春殘春餘春未春行惠發倉廩賜貧窮賑之絕

聘士禮賢

聘名士禮賢者

修利隄防導

達溝瀆

月令

薦鞠衣修蠶器

月令修蠶器天子薦鞠衣于先帝鞠衣黃

桑之服薦于太廟

合累牛

騰馬遊牝於牧

書駒犢

牽書其數

清明之

日桐始華

三月節也後五日田鼠化爲鴛鴦後五日虹始見

穀雨之日萍

始生

中氣也後五日鳴鳩拂其羽後五日戴勝降于桑

禁捕

宜畢翳餒之藥無出

國門鳥獸字乳不

勸蠶

無伐桑柘注愛蠶食也享先蠶而躬蠶以勸蠶

可傷之無逆天時

柳變金庭蘭孕玉氣惟煦景節及殘春

畢春九門

大合樂命國讎九門礫襪以畢春氣洪範傳曰大樂屬鼃故礫之於

九門抑金扶木畢成春功東方三門不**審量五**

庫

月令云審五庫之量金鐵皮革無或不

嶺外寒食

沈佺期詩云嶺外逢寒食

春來不見錫洛陽新

江南草長

丘遲與陳伯之書云暮春三月

甲子何日是清明

北閣之春

簡文帝晚春詩云待餘春於北閣藉高晏

生樹群鶯亂飛

東山之士劉孝綽三月三詩云東山富遊

於南

士北土無遺彥一言白壁輕片

善黃金賤

乘舟薦鮪

天子始乘舟薦鮪於寢廟

出勾達萌

月令生氣方盛

陽氣發泄勾者畢出萌者盡達

柳暗花明燕來鶯老

上巳

莫春之節上巳之辰

古用上巳今用三日

空陰不雨

陰陽書云

三月三日欲陰不雨則蚕善

時和氣清

蘭亭之會時和氣清

八公既登

宋武帝三月三日登八公山劉安故臺望城郭如疋帛之遠叢花也

四人並出

楚荆

歲時記三月三日四人並出臨清渚爲流杯曲水之飲也

帛遶叢林杯流曲

水上三月桃花水上巳

竹葉杯

桃花水見下注上巳漢禮儀志

曰三月上巳日宮人並褻飲於東流水上

元巳

之辰

文選莫春之辰月上巳之辰

脩禊之事

王羲之序曰永和九年歲在癸丑莫

春之初會于會稽山陰之蘭亭修禊事也

祓禊臨水

風俗通曰周禮女巫掌歲時以

祓除疾病祓者潔也

溱洧執蘭

韓詩曰三月桃花水時鄭國

之俗上巳日於溱洧之

東哲善對而賜金

見下注

張華能談而稽古

竹林七賢論王濟常解禊洛水明日或問昨日遊有何語

議王曰張華善說史漢裴逸民叙前言往行歷歷可聽

垂乳桐

庾信三月三日華林

馬射賦云草啣長帶桐垂細乳鳥嘯歌來花濃雪聚

浮絳棗

庾肩吾曲水宴詩云桃花

生玉澗柳葉暗金溝踴躍頰魚醉參羗絳棗浮

金溝

見上 蕙畝

蕙畝氣裊南澗解使南澗之濱也

會東堂

起晉

居注泰和六年三月三日南浮橋晉夏統字仲

臨流孟酒依東堂小會也御母病至洛

市藥會三月三日洛中王公以下莫不方駕連

軫並于南浮橋修襖仲御在船中曝所市藥雖

見此輩危東流水見下齊殿臨春築梁沈約三

坐不搖諸記駕息蘭田晉張協上已賦

殿臨春築帷宮遶芳晉張協上已賦

蒼蘭田朱幔面和菜作羹以厭時氣犢

舒翠幕連黍麴荆楚歲時記云取黍麴

車搜神記盧充三日臨水傍戲遙見水傍有犢

抱兒還充贈薤露歌後漢梁商上巳日會客於

金盃乃別洛水酒酣繼以薤露歌周

舉歎曰哀樂失時殃蘭亭會上周公卜邑於洛

咎必至商後果卒

羽觴隨波秦王置酒於河金人捧劍續齊諧記

問尚書郎摯虞曰三日曲水其義何指答曰漢
章帝時平原徐肇以三月初生三女至三日俱
死一村以爲怪乃携酒至東流水邊洗滌去災
因水流以泛觴曲水之義起此帝曰若如所說
便非嘉節也尚書郎束皙曰摯虞小生不足以
知之臣請說其始昔周公卜洛邑因流水以泛
酒故逸詩云羽觴隨波流又秦昭王三日置酒
於河曲有金人自泉而出捧水心劍曰令君制
有西夏及霸諸侯乃因立名曲水二永和之春
漢相沿爲盛事帝善之賜金五十斤

癸丑之歲 罰酒三升得詩一句
世說郝隆爲桓公宿蠶參

軍時賓客大會作詩不成罰酒三已
沈佺期三已日詩云九

門馳道出三
會賦云列四筵周

已禊堂開 四筵而設
吉祥於斯塗周

禊曲洛 周之時禊 晉宴
宴上林也

寒食

禁火之辰遊春之月寒食是仲春之末清明當

三月之初

禁其煙周之舊制

周禮禁其煙周之舊制不因于

推也不斷火魏之新規

見魏武下

桐始開花

清明之日桐始開花

榆方出火

論語鑽鐸改火春取榆柳之火以順陽也

二三之月百五

之辰

歲時記云去冬至一百五日即有疾風甚雨謂之寒食

魏武之令

魏武

帝明罰令曰聞太原至雁門冬至後一百有五

日皆絕火食云爲介子推且北方沍寒之地老

少羸弱將有不堪之患今不得作寒食若犯

者家長半歲刑主吏百日刑令長奪一月俸

舉之書

後漢周舉遷并州刺史太原舊俗以介子推焚骸一月斷火舉遺書於子推廟

云春中食寒一月老少
不堪今則三日而已
一月寒食上見三日斷火

鄴中記并州俗爲介子
推斷火食食乾粥三日
畫鴨子以相餉關雞燭

寶典曰此節城市尤多
雞之戲或彫鏤以相餉
遺蹴鞠食蹴鞠黃帝所

造本兵勢也鞦韆古今
蹴鞠即毬也鞦韆方山
戎之戲以習輕趨也遺

麥粥齊魏收遺祭酪孟
景元麥粥祭酪孟孫楚
祭子推文曰醴酪

麥爲之即今之麥粥
醴即今之餚是也內火
傳以出內火司烜禮

司烜氏仲春以木鐸修
于國中注爲季春將出
火也白鳥拾遺記云文

推時有白鳥新烟謂出
從烟中斃新烟火也介
子推之遺風魏武帝

之舊令晉文返國皆封
詩于國門以諷之遂隱
於綿山文公求

之不得乃焚山求之子
推燒死因斷火以報之
食盤飲燒飯曰養
玉燭寶典曰今人研杏仁
俗以備斷火
爲酪煮粥引飭沃之是也
飭粥

歲華紀麗卷第二

唐韓鄂撰 明沈士龍胡震亨同校

夏

夏爲朱明時移新節

選云初伏新節隆暑赫曦

火風暑節

亦曰

節日乃丙丁時當焦苦

月令其蟲羽其音徵四月律中仲呂其數七其

性禮其事視其味苦其臭焦其祀竈祭先肺

帝稱炎帝神號祝融蟲

羽音徵祀竈祭肺

見上

昊天

夏曰昊天

暑雨

出書

長羸

夏爲

長羸

永日

見書

焦泉之曲

遠瑗云春有去鴈之歌夏有焦泉之曲

榮木

之詩

陶潛榮木詩序云日月推遷已復有夏

隆熾

射雉賦云時暑忽隆熾

恢

台

文選收帳台之孟夏兮長養也

狼山毒草

山海經云狼山多毒草盛夏鳥過之

不能去

銀塘芳荷

李林夏日詩桐枝覆王檻荷葉滿銀塘

溫颶炎氣

文選朱夏振炎氣溽暑弱溫風

爍石流金

莊子青春變節赤帝司

權火帝爲赤帝也

晝寢書裙

宋書王獻之夏月造羊欣欣著新練裙獻之入見之

乃書數幅而去

夏處板榻

後漢羊茂字季實爲東郡守冬坐白羊皮夏處單板榻

涼君子而清王侯

壽陽山記明義樓南有三浴室上以清王侯中以涼君子

下以涼庶類

冬巢居而夏穴處

晉書肅慎國人如此

火居盛德

月令夏盛德在火

木乃成陰

時景

梁元帝纂要曰夏曰朱明亦曰長歲

炎夏三夏九夏朱夏

司至

以伯趙氏爲司至者以夏至鳴冬至止伯趙伯勞也

司立

川鳥氏以立
夏來立冬去
羊茂板榻見
孫登草裳神仙傳孫

寇室披
不賀漢雜事冬至陽事起君子道衰故不賀

受餉齊春秋何敬叔爲長城令清廉夏節忽勝

稅閉關易曰先王以至日開關
商旅不行后不省方
榜門見影長尺

五十周禮云夏
至日在東井
宵短至乃
凱風扇物赫日流輝

麥含秀色文選麥隴
柳結濃陰雲吐奇峰

夏雲多
火流永日星火
萬木皆滋百草悉茂文

奇峰
靡木不滋無
避暑之飲光祿大夫劉松北鎮與

草不茂也
以三伏之日晝夜酣飲以避
迎夏之郊立夏至
時暑故河朔有避暑之飲
日盛德

在火迎夏於南論語當暑絺綌乘離魏相云南方天子親往郊也離執衡暑絺綌乘離之神炎帝乘

四月

日當昴位斗建巳月令斗建巳位之初律中仲呂杓指

東南孝經緯曰穀雨後十五日指巳爲小滿立夏

之日螻蟈鳴後五日蚯蚓出小滿之日苦菜秀

中氣後五日靡草死後五日小暑至麥秋百穀初生爲春熟爲秋梅

雨梅熟時雨正陽之月正陽月慝未作盛暑之時亦

炎暑畏日揚輝火雲戒節碧樹之流鶯已老虹梁

之語燕咸歸

維夏

四月

清和

首夏猶清和

祀雨師

祈穀實出輕挺重

月令挺重囚出輕繫

繼長增高

無有壞墮驅

獸

無害五穀

飲酎

以肅嘗麥

慶賜遂行

無不欣悅

行爵出祿

必當

其習盛樂太雩帝

自韜輶至祝敵皆盛樂也

禱祀山川

古卿土有

益於人者

贊拔傑俊

進賢良舉長大

無起土功

無發大衆無伐

大樹無妨蠶農

無大田獵

驅獸而巳忍妨生類

登麥收繭

並見月令

四月八日

浴釋迦

荆楚歲時記云荆楚以四月八日諸寺各設會香湯浴佛共作龍華會以爲彌

勒下生之徵也

迎彌勒

見上注

右勝生

佛以周昭王二十四年甲寅四月八

日自母右 **半夜入道** 年十九歲此日半夜 **求於**

六年 太子在雪山六年思道 **溺金像** 世說孫皓初治國於

地中得金像如小兒高皓便著廁前令持籌四日皓語像云今日浴佛來暮陰病懺悔乃瘞

全木榻 羊茂事 **靈育生而孕先得夢** 高僧傳曰釋元高小

名靈育母寇氏夢見胡僧持傘香花滿坐便即懷胎至四月八日生有異香及光明照壁迄旦

乃散因名 **劉宣泣而悲不自勝** 宋書劉敬宣字萬壽八歲母死

四月八日入寺見眾僧浴佛乃下頭 **八歲兒** 見上

九子母 荆楚歲時記曰四月八日長沙寺閣下有九子母神是日市肆之人無子者供

養薄餅以乞 **八字之佛爰來** 荆楚人相承此日子往往有驗

城設榻幢歌鼓
以為法華會

五香之水乃浴

高僧傳靡歌利
頭四月八日浴

佛以都梁香為青色水
鬱金香為赤色水
丘隆香為白色水
附子香為黃色水
安息香為黑色水
以灌佛頂

五月

日居參宿律中
蕤賓昏角曉危

五月之節日在
參昏角中曉危

中鳴蜩解鹿

夏至之日鹿角解
後五日蜩始鳴

雲客益峻鶯老

無聲
麥秋梅夏

居高遠眺

可以居高明可以
遠眺望可以

升山林可
以處臺榭

衆果具繁

文選蕤賓之時景風扇
物天和氣煖衆果具繁
百

藥可蓄

月令聚蓄百藥
無用火南方

祀皇地

月令祀皇地祗
于方丘岳瀆等

神夏至祀之祭先牧祭于大澤長日助威稜之勢薰

風同長育之恩 關市無索門閭無閉開市遊

牝別羣摯騰駒班馬政芒種之日蟪蛄之生五月節候

始鳴後五日反舌無聲風名黃雀雨曰濯枝風土記曰仲夏大雨名濯

枝雨六日方止東南常有風 月次居離斗維建

午當陽極陰生之際是養神保壽之辰夏至之日一陰

生當正陽以戒月五月為正陽月諒無躁而處身月令飛

火輪謂日也榮木槿易通說曰夏至之日木槿榮火雲方熾畏

景尤長 當陰陽分爭之時夏至之日陰陽爭死生分君齊戒百

宮靜事無刑以是齋戒養恬之日君子齋戒處必安靜

端午

日叶正陽時當中夏採蟾蜍之令節抱朴子曰五月五日

採蟾蜍頭有八字者日中時取之陰乾一語鵠

日以其足畫地即為流水帶其左臂辟惡鵠

鵠之佳辰歲時記以午日取鵠鵠兒毛羽新

幘狀元虛肇午日官船詩云報道鬼字魏叔詩

鬼字伸印角黍之秋風土記午日烹鷺角黍又

題靈文相包裏浴蘭之月大戴禮云午日朱索續漢書

索五色為門戶赤符抱朴子曰或問辟五兵之

於心 **祭屈** 續齊諧記屈原五月五日投汨羅江

前之漢建武元年長沙有人見三閭大夫曰常

苦蛟龍所竊今若有惠願以蒲葉裹五色絲纏

之則蛟龍所竊今若有惠願以蒲葉裹五色絲纏

龍畏也 **祠陳** 臨徵去後本郡以五月五日祠之

東門城上令小 **長命縷** 古詩云何人致契 **辟兵**

童潔服而舞 **結廬** 梁王筠五日

繒 裴玄新語曰五月五日集 **結廬** 詩結廬同楚

俗抹艾 **蓄藥** 又曰是日競採雜藥夏小正 **鬪百**

異詩人 **草** 荆楚記云此日楚人蹋百草 **纏五絲** 上 **忌蓋屋**

勿曝薦 風俗通云此日蓋屋令人頭禿又云不

月五日曝席薦忽見一小兒死于薦下俄 **午位**

失所在其後寔女遂亡因相傳以爲忌

初杓一陰潛發當赤帝炎威之際是朱明熾

之時

救屈原以爲俗

午日競渡荆楚記曰舟救屈原也

因句

踐以成風

越地傳云競渡起于越王句踐

月號正陽時惟端午

雲簇奇峰之狀簞凝寒水之姿

胡廣生

世說胡廣

本姓黃以五月五日生父惡之盛胡蘆弃江中居人見之收養以爲已子托胡蘆生乃姓胡

曹娥死

異苑曰曹娥父以五月五日溺死娥巡江號哭七日遂投江死三日後與父屍

俱時當採艾節及浴蘭

荆楚歲時記云宗測常以五月五日未雞鳴時

採艾見似人處攬而取之用灸有驗

燒空之畏日尤長觸戶之炎

光益盛

見包菰

風土記云午日以菰葉裹黏米以象陰陽之相包裹

掛艾

荆楚記五月五日楚人皆踏百草採艾爲人形掛於戶上以禳毒氣百索繞臂風記以五絲縷造百索繫臂一名禳毒氣長命縷一名辟兵縷以相餉也五絲纏筒見上

熱

大暑賦

夏侯湛作大暑賦云三伏相仍苦熱行

文選苦熱云砂礫銷礫草木焦卷處涼臺而有鬱蒸之煩浴寒水而有灼爛之苦宇宙雖廣無陰以憇昔聞草木焦今見砂礫如熱得涼如渴得

漿盛夏之陰

萬物歸之言其涼也

以瓜鎮心

鄭灼字茂昭嘗讀書時大

熱以瓜鎮心

穿岸爲室

後漢馬援行軍至長沙欲進擊壺頭遇夏暑盛

熱穿岸爲室

炎風畏景火雲赫日

云我無所

以避暑氣

言無
鹿身如惔如焚惔燎也言熱如火燒風雲鬱其如火天地

赫以爲爐 禋于六宗已見寒門禋于六宗注中飲于三伏

見暘者莊子曰暘者反凍乎冷風又京房易飛

火之氣必暍暑有暍者痺心詩云我心痺暑機女抱綜耕夫釋耜曹

云機女與耕夫背暑不期而食冰之鼠北方層水之下

齊跡向陰不會而成群者也

有鼠食冰肉重千斤作脯以禦熱 飛雪之方王仲都服飛雪散

周焚以火口不言 涼草杜陽編暑則設鳳首木也寒

溪武昌記曰樊山東有小溪夏時身熱坂漢書

庚之日

史云秦穆公三年初伏注云六月上伏日秦皇置又穆公始爲伏祠取夏至後

第三庚爲初庚爲末伏謂之三伏又謂之三旬

初伏爲末伏謂之三伏又謂之三旬

思葛稚

川六甲之符

抱朴子曰或問不熱之道荅曰立夏或服玄冰丸飛雪散帶六壬六

甲處榭登山

可以升山陵

當風交扇

已具伏日食白粥注

暑煮

釋名曰暑煮也如煮物也當暑太暑溽暑六月暑正暘暑毒暑徂暑六月炎暑

熱

葵

釋名曰熱葵也如火所葵也苦熱酷熱旱熱炎熱

升山陵紆締絡

可畏

春秋云夏日可畏

如熏

詩云憂心如熏熏灼爛也

旱

草木焦枯砂石銷爛

見

雲漢之章土龍之象

許慎

注湯遭大旱作土龍以象雲從龍
湯之七年湯七年大旱無一日有雨魯之

八月左傳魯僖公三年自十月不雨至次年五月旱且不爲災也

雲

從龍

易曰雲從龍

似虎

兵書猛將之雲氣似虎也

山既出雲

禮曰山川

出雲
天必降雨

易曰雲行雨施

雲紀

黃帝受命有雲瑞故以雲紀事又有雲官

也
瑞書

有瑞必書

不崇朝而徧天下

公羊傳曰觸石而出膚寸而合

不崇朝而徧雨
天下太山雲也

不待族而潤寰中

莊子內篇廣成子謂黃帝

曰自爾治天下雲氣不待族而雨

邴生之鶴

邴原北海人也遭漢亂隱於遼東徵

召不仕時人謂之曰雲間白鶴

陸氏之龍

世說陸士龍嘗在張華筵上自稱曰雲間

陸士

李陵仰視

李陵贈蘇武詩云仰視浮雲馳奄忽互相踰

靖節思

親

陶靖節詩序停雲思親友也

霏霏承宇

楚辭

英英露茅

詩英

雲露彼菅茅

荷鍾決渠

文選決渠降雨荷鍾成雲

油然作雲沛然

下雨

赤爲兵驗黃乃時豐

保章氏以五色雲物辨吉凶之稷祥

二至二分占視日旁雲色青爲虫白爲喪赤爲兵荒黑爲水黃爲豐

不興

文選朝雲不興

而黃潦獨臻

可望

堯紀望之如雲

陽臺

朝雲

巫峽

飛揚

高祖歌曰

太風起兮雲飛揚

決濟

五色呈瑞氤氲決濟

出岫

歸去來辭雲無心以出岫

上

天

詩曰上天同雲雨雪雰雰

辨豐凶卜水旱

周禮保章氏以五色雲物辨吉凶

凶水旱豐荒之稷祥注云雲色有五以別水旱豐荒

赤鳥飛

左傳楚雲如衆赤鳥夾日

以飛三日太史曰其當王身乎白雲起後漢薊子訓到洛見公

蒼蔚

詩云蒼蔚乃雲興之兒

屏翳

雲師名也

奇峰

夏

多奇

垂天

莊子大鵬翼苦垂天之雲

觸石

見上

潤礎

淮南子

蒸柱

出蒼梧

崑藏曰有白雲出蒼梧入于大梁

至帝鄉

莊子乘彼白雲

至于

陰陽聚

春秋元命苞云陰陽聚爲雲

山川氣

說文曰雲山川之氣

帝鄉也又西王母有白雲謠云白雲在天丘陵自出道路悠遠山川間之見周穆王傳

瑞雲

德動天心瑞開雲物

淒淒祈祈

詩云有淒淒淒興雨祈祈

紛紛郁郁

史記若煙非煙若雲非雲紛紛郁郁蕭索輪囷是謂慶雲

起封中

漢武封太山夜有光
覆寶鼎汾陰寶鼎天子書
畫有白雲起於封中
祠之黃雲覆焉

瑞分至啓閉
紀官黃帝以有雲瑞
必書雲物
因以雲紀官
靉靆氤氲

瑞氣慶雲景雲卿雲祥
雲瑞雲也
非煙非煙非霧五色
氤氲皆瑞雲也
福

雲瑞應圖曰商雲其狀
外赤內青一曰慶雲
金枝玉葉黃帝與蚩尤
戰于涿鹿之

野常有五色雲氣金枝玉葉止
干呂東方朔十
洲記曰青

於帝上有花葩之象故作華蓋
扶日洛書曰蒼帝起青雲扶日赤帝
雲于呂連
起赤雲扶日黃帝黃雲扶日
月不散

風

風則從箕月離於畢箕星好風春秋緯曰風從
箕星揚砂走石詩云月離

於畢俾
天地噫氣風者天地
之噫氣也
琴歌其南舜作五
絃之琴

以歌南風曰南風之薰兮可以解我民之愠兮馬嘶其北古詩胡馬依北風大

風歌高祖過沛作大風歌曰大風起兮雲飛揚安得猛士兮守四方秋風辭武帝作秋風辭云秋風起兮白雲飛草木黃落兮

鴈南歸蘭有秀兮菊有芳懷佳人兮不能忘

石尤無將故人酒飛廉風伯名也箕星風星名也地籟莊

地籟注風吹萬物也鳴條太平之代八風見五

風堯時五虎嘯淮南子曰虎嘯而谷風生鳶鳴禮記前有塵

注鳶鳴則易水寒燕丹送荆軻於易水之上洞

庭波楚詞嫋嫋兮秋風空穴拱向來巢開襟選

憑軒檻以回望鵲巢淮南子云鳥鵲識歲之鳥

路

選云風煙有鳥

風

袁宏爲東郡守謝安授以扇宏曰輒當奉

揚仁風慰

辟臭腐

帝

世紀堯時厨中自生肉如髮形搖動則風生使

食物寒而不

從虎

虎

相烏

述征記長安宮南靈臺上有相風銅

鳥遇千里

愈病析醒

出選

阜財解慍

詩云南風

以解吾民之慍

南風之

退宋都之鷁

左傳六鷁退飛

過宋都

搏南海之鵬

莊子

膚發栗冽

出

衝孔襲門

風異風起允澤流

易巽爲風

又風以散之

飄瓦

莊子不摧木

木秀於林

入松

琴曲有

拂野

驚野

木無

冷冷獵獵

並

鼓之以雷霆潤之以風雨

易

淒風

春無妻風

景風

四氣和爲通正謂之景風

習習

谷風

颭颭

秋風

列

子善御

列子能乘風又云御風而行冷然善也

師曠驟歌

左傳師曠曰吾

驟歌

北風歌南風南風不競歌者吹律以詠八風南風者微故曰不競

穆若

穆若清風

罷兮

選春秋風罷兮春草生

轉蕙泛蘭

楚詞光風轉蕙泛崇蘭

拔樹發

屋

項王圍漢三匝風從西北來折木發屋揚沙石楚軍大敗漢王得數千騎遁去

君子

之德

論語

庶人之雌

宋玉風賦大王之雌風雄庶人之雌

動沙漚吹

死灰

見下

揚塵

庶人之風塢然起於窮巷握

奪熱

純扇

詩常恐秋節至涼颺奪炎熱

空穴來

見上

青蘋末

宋玉風賦夫風生于

地起於青蘋之末

風災

飄風不終朝驟雨不終日

老子

震凌

揚子曰震風凌雨然後知

夏屋之爲幘也

霾暄

詩終風且暄終風且暄

海鳥避

海鳥曰爰居止於魯

東門外展禽曰今茲海其有災也夫廣川之鳥獸恒知避其災是歲也果有大風

神女

行博物志云太公爲淮壇令文王夢婦人哭當道問之曰我太山神女嫁爲西海神婦吾行

必以疾風暴雨淮壇當吾道不敢以疾風暴雨

賦淵上冰切

燐怒

並風激物之貌

廢石

廢動也

發屋

見上

風災數

起國多暴雨

木拔

書

沙揚

見上

占風

占之識老子之來

神仙傳老子將去周而出關以昇崑崙關令尹喜占風知

有神人來過乃掃道以待老子老子知喜命應得道仍以長生術授喜

候之知關

羽之敗

建康實錄吳大帝與關羽戰羽乞降大帝以問趙達達曰彼有走氣言降詐也

乃使人於路邀之趙達曰雖走必不能脫午時有風觸幃達撫手曰羽至矣果擒關羽而至

君子

瑞應圖曰離地三尺名爲君子之風

庶人

上見偃禾拔木書

歷

樹拂堂

北齊書曰武衛奚永洛與河內張子信對坐時有鵲鳴於庭樹上鬪而墜焉子

信曰鵲不喜向夕若風從西來歷樹拂堂角則夜必有召君輒不得往子信出後果風來至高

儼使人召永洛且云勅喚永洛便欲去其妻止之而稱馬墜腰折果免難也

八風

八節

之五風

五日一風十日一雨

大王

大王風見選

少女

管輅傳曰時大旱輅

云即今當雨樹上已有少
女微風須臾之間雨果至
修宮室完邊城不周風至

誅有罪斷大刑廣莫風至易變色
變色而作

辨聲善候風占五色各異太皞氏之王天下
聲知吉凶

節不同立春條風春分明庶風立夏清明風夏
至景風立秋涼風秋分閭闔風立冬廣

莫風冬至朔風各有所主以占事也

雨

雨以潤之秋無苦雨九旬十夜三日淫雨早
降零雨其濛驟雨不終日時雨風

以散之易祁祁毛詩森森選森森長安之諺諺云
散雨足

韋杜去天尺五杜牧雨詩注中出先生之請晉書云東先生通
神明請天三日

雨行過恐妨於賢令見風門注知來必信於穴居昔

仲舒讀書於窓下有人自外詣之曰今日必雨

仲舒曰吾聞巢居知風穴居知雨君非狐狸必

是老鼠遠窺之見其罕居之均天澤漢書天文志云畢爲

人化爲野狐而去

罕居洪範傳棧道之霖鈴聲玄宗幸西蜀南至

畢星好雨

於棧道雨中聞鈴聲與雨相應上悼貴妃因採

其聲爲雨霖鈴寄恨焉時梨園子弟善音律者

張野狐從至蜀上即以其作解易若濡傳曰道

曲授之其曲今在法部

若天降禮記天降時月離詩月離于畢倒井見

傾盆大驅垤詩將雨也鵲使之飛鳴詩鵲鳴于垤鞭商牟

令其鼓舞家語童謠云天將大雨近壬子管輅

河見太守曰天旱何如輅曰今夕當雨傳曰近壬子日值蒲星中已有水氣食頃當至果如言

禁丙丁

俗說久雨不晴蟠泥之龍蜀都賦云潛禁丙丁乃得晴

應鳴鼓而

封穴之蟻

易占曰蟻封穴

洗兵

武王伐紂

大雨

滅火

成都市火甚盛焚英巽酒以滅之

雨田疇

雨我公田遂及我私

害桑盛

左傳天作淫雨害於桑盛

不節

禮記風雨不節則飢

以時

將降

時雨及時

燕飛

湘川零陵有石燕遇雨則飛

蟬躍

淮南子曰黑蟬神乳

之雨也

霖霖

益之以霖霖注

霈然

雨下如晦詩

將雨則躍

霖霖

云霖霖小雨也

霈然

雨下如晦詩

雨如

伐殷

搜神記武王伐殷至河上雨甚疾雷晦冥

討邢

左傳衛大旱討邢而

密雨

密雨如散絲

膏澤

多豐年

降不破塊

益鐵論周公之時風

不鳴條雨不破注必隨車漢百里嵩為徐州牧境內旱行部傳車所
 塊旬雨必以夜注必隨車
 輒降雨假益孔子將行雨而無益門人曰商有
 假益於子夏勝裘披雪沐雨則裘
 護其短也勝裘披雪沐雨則裘
 露服失墊巾郭林宗雨中行墊其角巾
 俗說社公不食舊水少女風見上漂粟鄒子曰朱
 故近社必有雨也少女風見上漂粟
 不休其家曝粟令臣流麥高鳳事
 守不覺雨漂粟也流麥高鳳事
 傳又云赤松子雲將見莊
 神農時雨師也雲將見莊
 愁霖貫夜雨夜雨滴
 秋序夜雨夜雨滴
 太平之時五日五政管子曰五政順
 一風十日一雨五政管子曰五政順
 旬

六月

日在東井律中林鍾

夏窮暑退

火中寒暑乃退謂季夏及

季

暑變溫風

小暑溫風至六月節也後五日

螢

飛腐草

大暑日腐草爲螢後五日土潤溽暑後五日大雨時行

畏日更延

於黃道秋陽益熾於炎光

簞展輕冰扇搖團

月

新律將加於煩暑下伏式啓於炎陽

簡文

熱詩云六龍駕不息三伏啓炎陽

徂暑

六月

溫風

見糞田

可以

疇可以

漆綵

命有司漆綵黼黻文章必以法故無或差忒以供郊廟祭祀之服以

美土疆爲旂章以別貴賤等級之度

大雨時行

大雨時行乃燒薶溫行水利以殺草也

風已至

季夏之日

土潤溽暑

見上

節退早秋

時當殺

草

殺草見上

行木

命有司入山行木無有斬伐爲木未堅成

無興土功可

資農事

不可以興土功不可以合諸侯不可以起兵動衆注云土將用事欲靜也農事

糞田疇也

伏日

秋夏交會之辰金火伏藏之日

晉志釋曰立秋以金代火金畏

火故至庚日必伏庚者金也故曰伏史記注云六月上伏日秦始皇所置

三伏之秋

陰陽書曰夏至後第三庚爲初伏四庚爲中伏立秋後初庚爲末伏

一時之暑

略

曰劉松表紹於河朔三伏之際晝夜飲酒乃至無知以避一時之暑故河朔間有避暑之飲

秦修祠

史記秦穆公始爲伏祠

漢擇日

風俗通曰漢中巴蜀高祖用張良策

還定三秦

蓋君子之所因者本也論功定封祠加以金帛重復寵異令擇伏日不同凡俗也祠

黃石

史記留侯既得黃石留侯死并黃石而葬每上冢伏臘祠黃石

食白粥

見上

當謝安食白粥之辰

世說郗超子嘉賓三伏之日詣謝公炎暑熏赫當風

交扇猶沾汗流離謝公著故絹汗衫食熱白粥晏然無異郗謂謝公曰非君幾不堪如此也

是方朔割賜肉之日

漢東方朔爲郎伏日上賜諸郎肉朔獨拔劍割肉謂

同官曰伏日當早歸諸受賜郎懷肉而去上問朔曰賜肉不待詔何也令自責朔曰受賜不待

詔一何無禮也拔劍自割肉一何壯也割之不

多又何廉也婦遺細君又何仁也上笑曰令卿自責而反自譽復賜酒

進湯餅

荆楚歲時記云伏日進湯餅名

一石肉百斤遺細君

爲辟薦麥瓜月令曰初伏薦
惡餅於祖禰

歲華紀麗卷第二

歲華紀麗卷第三

唐韓諤撰 明沈士龍胡震亨同校

秋

秋爲白藏

梁元帝纂要云秋爲白藏亦曰收景成亦曰三秋素秋高秋商秋九秋

當素節

又曰節曰素節商節辰曰淒辰霜辰

帝稱少皞

其帝神號

蓐收

其神蓐收

衆木搖落

見秋賦

一葉飄零

淮南子曰一葉落而

知天

白精君

其帝少皞其神蓐收白精之君金下秋官之臣少昊金天氏蓐收少皞氏

之子曰該

蕭條野

曹植詩云秋風發微涼寒蟬鳴我側原野何蕭條白目忽

爲金官矣

西金祇司矩

南齊謝朓七夕賦云金祇司矩火曜方流

火旻團露

文選

秋岍澄夕陰思玄賦云蹶白門西墅之接白門而東馳芳云台行

火旻團朝露乎西墅蹶履也南霄之度征鴈陶潛秋詩哀蟬

白門秋門也帝也金風屆序盛德無留響征鴈鳴

旻天旻愍也愍萬物之凋零戒以白露申以嚴霜風月

商風金風素風淒風高風激風涼風悲草木白

風清風秋月皎月皓月素月朗月明月草木白

衰草霜草疎木霜木屬商其虫毛其音商其數霜林衰林霜柯霜條

味辛其臭腥其天子食魚庖人薦黍令靈運嘗祀門祭先肝

聞於理棹謝靈運詩云述職期沈約見詠於縫闌暑理棹變金風

裙秋夜詩云曉曉螢入霧離離鴈露珠低圓雲出雲巴童暗理瑟漢女夜縫裙

羅高薄

秋雲如羅

張季鷹之歌發鱸魚

歌曰秋風起兮木葉飛吳

江水兮鱸正肥

三千哩兮家未歸

班婕妤之悲

生紈扇

紈扇詩云長恐秋節至涼飈奪炎熱弃之篋笥中恩情中道絕

草黃鴈

歸之歌

漢武帝歌云草木黃落兮鴈南歸

水閣露濃之賦

李德賦云

秋水闊兮秋露濃

盛花落兮歎芙蓉

鴈過天青蟬鳴露白

嫋嫋

悲風

選云嫋嫋兮秋風

淒淒寒日

詩云秋日淒淒百卉具腓腓病也涼風用

事而衆草病興也

露凝白玉菊散黃金

秋日詩露凝千片玉菊散一叢

金日就高低影雲空點綴陰又云菊散金風起

荷疎玉露圓將秋數行鴈離夏幾林蟬雲凝愁

半嶺露碎

敗蘭

槁葉

秋興賦云芳秋風敗乏野有歸燕

照有翔隼遊氣朝興槁葉夕隕屏輕蓮釋纖絛藉荒蒨御袂衣天晃朗以彌高日悠揚而淩微

短晷長宵

又云何陽鳥之短晷覺良夜之方悲永熠燿燦於門闌懸琤鳴於軒屏

聞宋玉之辭恨入潘安之鬢

宋玉九辨悲哉秋之爲氣也又潘安

仁春秋三十二始生二毛也

高梧減韻腐草流輝

靈運之

詩愁霖冠

照鄰之賦

秋霖賦云都裏與昏墊

風零蒲柳

晉顧凱曰蒲柳之姿望秋先零

霜敗芝蘭

露結蒹葭風生桂

樹

詩云蒹葭蒼蒼白露爲霜文選云秋風生桂枝

漢儀斬牲

晉書曰漢儀立秋日

白郊禮畢始揚威武斬牲於東門以薦廟也

周禮擊鼓

周禮仲秋夜擊土鼓簫

詩以

迎寒

七月

日在張星律中夷則河漢方秋天地始肅

禾乃登緒

困園具桎梏斷薄刑決小罪納材葦坏墻垣修官室

流火

七月在金星德

葉下高梧煙消弱柳

當褚淵彈琴之夕

南齊書世

祖在東宮賜褚淵銀鑰琵琶又嘗會宴表舍時初秋涼夕風月甚美淵援琴奏別鶴之曲

商既奏風神諧暢謝莊撫節而嘆曰以無累之神合有道之器寔孫寶署吏之

辰

漢孫寶爲京兆尹立秋日暑吏侯文爲東督郵勅曰今月鷹隼始擊當從天氣

夜景

漸遲於玉漏秋聲將嘯於金風

見上

立秋

立秋日涼風至

後五日白露降後五日寒蟬鳴

處暑

處暑之日鷹乃祭鳥後五日天地始肅後五日禾乃

登

珠露初圓銀河漸轉隄柳之蟬聲已急庭莎

之蛩韻方多將迓蓐收之轡

其神蓐收

已遙炎帝之

車

夏曰炎帝

勵兵

月令云賞軍旅武人乃命將帥選士勵兵簡練桀俊專任有功以征

不義詰誅暴慢以明好惡順彼遠方

登穀

是月築塲圃登穀天子嘗新先薦寢廟

金

風改候銀漢橫空淒涼乍變於商聲肅殺已臨

於兌位堤柳煙收渚蓮香裊曉露而長垂珠影

涼風而遽振金聲

並見上

威徵大火律變商風氣

迎少皞之車景促羲和之轡

七夕

珪月初生

秋月如珪

珠露方滴

秋露如珠

縷羈五色

西京雜記

云賈佩蘭在宮時七月七日臨百子池作樂樂畢以五色縷相羈謂之連愛

車駐七

襄

梁何遜七夕詩云仙車駐七襄鳳駕出天潢

針鼻之縷

庾信七夕賦縷條紫

而貫中針鼻細而穿空

玉匣之衣

庾肩五七夕詩云玉匣卷懸衣針樓開夜扉矩

娥隨月落織女逐星歸

鵲橋已成

風俗通云織女七夕當渡河使鵲爲橋

女將渡

吳均齊諧記云桂陽成武丁有仙道忽謂弟子曰七月七夕織女將渡河暫過

牽牛吾向以被召明日失所在後世人至今云織女嫁牽牛

三秋佳節七夕

良辰

玉露初下

露白故曰玉露

銀河已橫

亦曰銀漢

雲幄

選寂寞雲幄空

河鼓

爾雅曰河鼓謂之牽牛

曝書策曬衣裳

王

喬則舉手謝世

列仙傳云王子喬見桓良曰告我家七月七日待我於緱山頭

至時果乘白鶴於山頭望之不得到舉手謝世人數日而去

蔡經則鳴鼓還

家

吳蔡經字方平去家十餘年忽還謂家人曰七月七日王君來到期可多作數百解飯以

供從官至日果然聞金鼓蕭管人馬之聲從天而下

白鶴翔山上青鳥來

殿前

七月七日西王母詣漢武有青鳥從西而來集殿前

曬腹

郝隆晒腹中書

齋心

漢武帝齋心待王母又此月中會日宜齋也

穿針眼

七夕婦人

以綵縷穿七孔針陳几筵酒脯瓜果於庭中以乞巧或云見天河中有弈弈白氣或耀五色以

爲徵見便

掛犢鼻

竹林七賢傳曰七月七日諸阮庭中鋪陳莫非錦綉阮咸

拜得福
時總角乃豎長竿標大犢鼻袒于庭曰未能免俗聊復共爾

靈匹

謂織女瑞嫁牽牛

光

前漢竇皇后傳云后觀津人也少小頭禿不爲家人所齒遇七夕夜人皆看織女獨不許

后出乃有神光照室爲后之瑞

作麴曬衣

崔氏四民月令其日作麴晒衣龍駕

之亂鳳管

謝朓詩云回龍駕之容裔亂鳳管之淒鏘

瓊佩之結雲裳

晉蘇彥詠織女詩云織女思北征牽牛嘆南陽時來嘉慶集整駕巾玉箱瓊珮垂藻粦霧裾結

雲裳悵悵一宵促遲遲別日長

中元

日在張星

中氣

斗建申位

孟秋之望中氣之辰

道門寶蓋獻在中元

道經云七月十五日中元地官考校勾搜選天人分

別善惡以其日作玄都大獻于玉京山以諸奇異妙好幡幢寶蓋供養之具精膳飲食獻諸衆

聖道士於其日講論老子
經十方大聖高詠靈篇
釋氏蘭盆盛於此日

孟蘭盆經云目連以母生餓鬼中至此日以百
味五果著盆中供養十方大德而後母得食目
連白佛凡弟子孝順者以應奉孟蘭地官考校
盆供養佛言大善後因之廣爲華飾

之元日天人集聚之良辰

見釋氏託生

謝承後漢書云

佛以癸丑七月十五日寄生于淨住國摩耶
夫人腹中至周莊王十年甲寅四月八日生衆

僧解夏

荆楚記云十五日僧尼坐草爲一歲云
四月八日結夏至七月十五日解衆僧

長養之節在外恐傷草木垂類故九十月安居
又經云四月八日坐樹下至七月十五日爲一
歲故曰衆僧解夏

露

降於五日

月令云後五日白露降

滋彼三秋

中秋乃露滋

散而

爲露結以成霜

大戴記曰陽氣勝陰則散爲雨露

厭浥之行泛

灑之彩

詩云厭浥行露乃濕貌泛灑露彩也

湛湛瀼瀼

零露瀼瀼

露彼

菅茅

詩曰英英白雲露彼菅茅

託於桐葉

蘇子曰人生于世若朝露之寄於桐

葉鶴鳴

風土記云鶴性警白露降而鳴

蟬飲

取其潔也

盤之中

撫仙掌以

珠盤擢金

薤之上

薤露歌曰薤上露何易晞

潤玉垂珠

露之形也

晨降

楚辭霧露雰其晨降雲依霏而承宇

宵零

典引曰甘露宵零於豐草

下地

騰文

選云露下地以騰文

助海成深

張衡奏事曰霧露助海

詩人夜

行見厭浥之詠君子春履有休惕之心

禮記祭義云春

雨露既濡君子履之必有休惕之心祀親也

濕衣之譏

劉向說苑曰吳欲伐荆令

曰敢有諫者死有舍人少孺子者意欲諫乃懷彈于後園露沾其衣如是三朝王曰子求何苦露沾衣如是對曰園中有樹其端有蟬蟬高居悲鳴吸風飲露不知蟬在後而蟬不知黃雀居其後然黃雀又不知臣操彈居其下臣但捕黃雀不覺露濕其衣此乃視其利不顧其後王遂綴冠之飾束皙曰零露如珠

罷兵

綴冠之飾

非綴冠之飾也

瑞露

德動皇天

瑞應圖曰王者施德惠則甘露降

瑞呈甘露

沈約

之謝啓

沈約謝賜甘露啓言蒙賜法音寺松葉上甘露臣往年經見不過沾條而已時

或凝結纔若輕霧木有玉聚珠聯光粲若是者也

鄭平之食羹

唐書李林甫女

雖皓即當髮黑明日使食之一夕盡皆變黑若

脂之潔

茸露一名天酒一名仁澤其凝如脂其茸如鈔

如醴之茸

上見松

柏受而王者養老竹葦沾而王者尊賢

晉中興書云王

者愛養者老則茸露降於松柏之上王者尊賢容衆則降于竹蒿之上受之以爲年紀也

三

危

伊尹說湯曰水之美不過三危之露乃瑞露也

五色

東方朔曰吉雲之地其國俗之

雲氣占吉凶若樂事則滿室雲起五色照人著于草樹皆成五色露珠甚茸

表至德

之馨且因宵降

老子曰天地相合以降

含孔茸

之味不待秋凝

見紀年

以爲

膏露

天不愛其道故天降膏露

霜

三秋降

季秋

百工休

霜降之日則百工休

碧霜

拾遺記曰廣延國霜色紺

碧

青女

淮南子曰霜神名青女

始凝

易履霜堅冰陰始凝也又云陰勝陽則凝

爲霜雪

露結

詩云蒹葭蒼蒼白露爲霜

有餘酸

北齊邢子才冬夜直史館詩云

况乃冬之夜霜氣有餘酸

殄異類

陶潛詩云青松在東園衆草混其奇晨霜殄異類卓

然見高枝

陰陽之氣

大戴記曰霜陰陽則結而爲霜

刑罰

之表

春秋感精符曰霜刑罰之表季秋霜始降鷹隼擊王者順天行誅以成肅殺之威

葛屨

詩云糾糾葛屨可以履霜

紈扇

紈扇詩云皎潔如霜雪

馬見

國語云駟

見而隕霜隕霜而冬裘具駟房星也

鴈成

見上鴈擊霜降則

豺祭

霜降

祭獸之日豺

馬蹄

莊子曰馬蹄可以踐霜雪

蠶繭

拾遺記圓嶠之山有冰蠶以霜

雪覆之然

後成繭九鐘之鳴

山海經曰豐山有九鍾霜降其鍾自鳴

神爐

之妙

抱朴子曰凝霜雪於神爐採靈芝于嵩岳

殺木

元命苞曰霜以殺木

霑衣

微微沾人衣

孝子踐

琴操曰履霜操伯奇所作吉甫信後妻之言逐伯奇自傷無罪

清晨起履霜乃操琴而鼓之

君子履

有懷愴之心

青楸離

江淹

別賦見紅蘭之受露望青楸之離霜

冬裘具

國語云隕霜而冬裘具清風至而修城郭

室官婦女成功

家語曰霜降而婦功成嫁娶行焉

鷹隼乃擊

見上

霜災

雪霜大至

月令

正月之繁詩人興憂傷之歎

見上季

秋既降君子有悽愴之心

見上

不殺草

春秋感精符曰王者

政令苛則夏下霜誅罰
不行則冬霜不殺草
附木不下地不殺而
誅其霜反在草下
衍衍仰天哭天
爲五月降霜
殺菽
雪冤
乃附木
京房易傳曰誅
不原情其霜乃
淮南子曰鄭衍事主
春秋周十月今
月書失時
令苛而夏
降氣勝而秋零
上見

月

太陰之精

淮南子曰月

坎官之德

易云坎

如珪

月賦秋

如鈞

選云始見西南樓纖纖如玉

度南

端北齊

邢子才冬夜直史館詩

出東嶺

陶潛雜

日淪西河素月出東嶺遙

破環

抱朴子王生云

遙萬里輝蕩蕩空中影

月初生及旣虧

之後視之宜如三寸鏡稍稍破鏡古詩何當大

上三三七並月居其一三五三五而生成象在天

成無私日月無生于西禮曰大明生于東月生

位行于北漢書云月立夏夏至行北方赤道曰北陸

二分則同道王郎之善歌一曲世說王曇首善歌

二至則相遇王郎之善歌一曲謝公欲聞之而

王名家少年無由得聞後公出東府上山作妓

樂遇曇出庾家墓竹中作一曲于時秋月王因

舉頭看北林卒曲而去諸妓徐勉之不論五官

白謝公曰此乃王郎歌也徐勉之不論五官

梁徐勉嘗集門客有虞鬲者求五官詹事勉正

色答曰今夕只可談風月不宜及公事時人服

之牛喘世說吳牛見月而喘謂水牛生江鵲飛

魏武帝歌曰月明
星稀烏鵲南飛
夜光淮南子云月一名夜光望舒淮南子云

月御曰望舒
漢東蚌梁庾肩吾望月詩云桂殿

亦曰纖阿
漢東蚌暈淮南灰見謝謏對飲謝謏有時獨醉

逐淮南灰
有清風對吾飲吳會稽先賢傳闕澤

者惟當明月
然在月中後蛾眉見蟾魄三日皎兮陳風月出

爲吳侍中
出皓兮月出矣莊子曰日出矣照臨照臨下土迴環謂回

上三日成魄鄉飲禮三讓象一月之光文子百

也
不如一代照日月照迭微胡迭而微金精月賦

以陰靈亦
日金精
瑶彩月色玉鈎見上水德
金精之正色

水德之明輝

金波

彩月灰暈

淮南子曰畫隨灰而月暈闕許慎注

曰以蘆灰環闕其一

面則月暈亦缺于上

賞英

應月而落也

桂華

月中桂樹

園遊

曹植詩云清夜遊西園明月澄清景

北堂寢

陸機詩曰安寢北堂上月月入

我曠照之有餘

麗天

易曰月麗乎天

離畢

詩月離于畢

從星

光攬之不盈手

出水

淮南子云方諸見月則津而爲水書月之

從星

統扇

班婕妤詩云新裂齊紈素鮮潔如霜雪裁爲合歡扇紈團團

拭令熱向月

玉臺

月如

玉兔

金兔

莫階桂影

桂輪

日就月將

出詩

日兄月姊

春秋感精符曰人主

兄弟

皆仰

具瞻

人皆具瞻

闕之

釋名曰月闕也言滿則復闕也

沒今

謝莊月賦月既沒今露欲晞

朔晦

朔月初之名朔蘇也如死復蘇晦月盡之

名晦灰也死爲灰又月光盡色似灰

弦望

弦者月半之名初七八爲上弦二十二三爲下

弦望者月滿之名日月遙相望也

瑞月

德聞皇天慶見於月

姮娥奔

羿妻竊藥奔月爲月中之仙也

夏禹過

夏禹未遇夢乘舟月中過

合璧

漢書至德之時日月若合璧

重輪

漢明帝作太子樂歌四章一曰日重光二曰月重輪三曰星重暉四曰海重潤以贊太子之德

三珥

軍占曰若月三珥者大臣有喜

陰靈

見上

委照而吳業昌

孫堅

夫人吳氏夢月入懷生孫策

淪精而漢道融

漢元后母李氏夢月入懷而生

元入懷見上盈手見上連壁日月連壁孕珠蚌望月而孕珠又月望則

災蝕

日月薄蝕天地之災

魚減

淮南子曰日月蝕而魚腦減

麟

鬪

元命苞云麒麟鬪則日月薄蝕

彗星襲月

辛慶忌勇猛之將被要離謀殺以劒

自刎將死

不用其行

行道也詩日月告凶不用其行

何損於明

謂

君子之過

君子之過如日月之蝕

大人之災

日月之蝕大人之災

遇盈則蝕

月盈則蝕與時消息則維其常

詩彼月而蝕則維其常

謫

見於天

禮曰婦順不修陰事不得謫見于天月為之蝕故月蝕則后素服而修六宮之

職蕩天下之陰事

災成襲月

劉向說云秦胡亥立日月薄蝕災襲月

八月

日在翼星律中南呂

令

享壽星

享壽星于南郊

祭馬祖

祭馬祖于大澤

採柏露以明眼

續齊諧記鄧紹八月旦入華山採藥見一童子

執五綵囊盛柏葉上露如珠滿囊紹問用此何爲答曰赤松先生取以明眼言終失所在用

朱墨以點頭

荆楚記云八月一日以朱墨點小兒頭名爲天灸以厭病也

習

吹

命樂正習吹將釋奠

乃儺

天子乃儺以達秋氣

循行犧牲

視全具也

申

嚴刑法

申嚴百刑無或枉撓斬殺必當無留有罪

嘗麻

天子嘗麻先薦寢廟

種

麥

乃勸種麥

上丁之日

釋奠于國學

上戊之辰

釋奠于太廟

擇

元日

擇元日命民社謂近秋分前後戊日

獻良裘

周禮司裘氏大裘以供王祀

天之服仲秋獻良裘天子之服至仲秋而獻

獲赤雀以銜書

尚書中候曰季

秋赤雀銜冊書集周之庭

結寶囊以承露

梁簡文帝眠明囊賦序云婦人八月

旦多以錦翠珠寶爲眼明囊因凌晨取露以拭目

平權衡

是月也日夜分則同度量

平權衡案芻豢

瞻肥瘠察物色必比類量小大五者脩嘗

載黃

詩云載玄載黃

爲公

其穫

八月

迎寒

周禮仲秋月擊土鼓以迎寒

養老

杖行

糜粥

鴈已過而零其白露

白露之日燕雀歸羣鳥養羞

雷收聲而分彼素秋

秋分之日雷乃收聲後五日蟄蟲壞戶水始涸

夕月

秋分日祀月于西郊

戒清風

四民月令曰清風戒寒趣織縑帛

剝棗

八月斷壺

壺瓠也入月乃斷

仲商

梁元帝纂要曰仲秋仲商也

秋節

天子居總章

太廟

庶人授几杖

是月養老授几杖

九月

日在角星律中無射

授衣之月

詩九月授衣

絺服

之辰

見下

是丹鳥含羞之日

夏小正曰九月丹鳥羞白鳥羞進也白鳥

也

當白虎應感之辰

帝王世紀曰扶始以季秋下旬夢白帝遺鳥象

子旦而升丘見白虎其上有雲感已而生阜陶于曲阜

舉五穀之要

農事備修

當此

休百工之作

膠漆之作且休

伐蛟鼉

伐蛟取鼉

取龜

登龜

蟋蟀居戶

詩蟋蟀在戶

鴻鴈來賓

月令

伐薪

伐薪為

必因殺氣嘗稻天子嘗稻先薦寢廟具飭衣裳文繡有恒衣服有量冠帶有常

必循其故申嚴法令號令務納百官貴賤無不務納

宣出親嘗親嘗者嘗群神也天子親嘗使有既曰

鴈來寒露之日鴻鴈來賓後五日雀乃觀豺祭

霜降之日豺乃祭獸後五日咸俯見神倉舉五

穀之要藏帝藉于入室命有司寒氣摠至人獻

裘周禮司裘氏季秋秩芻以命有司合秩芻犧牲

四方之神宗廟社稷之靈為蓄菜蓄人牧斂務

民祈福秩芻者謂草秣也蓄菜注始為

云九月曰**高秋**亦曰暮秋末秋殘
季商未商**高秋**秋杪秋亦曰授衣

重陽

重九

魏文帝書曰歲往月來忽復九月九日
九爲陽數而日與月並應故曰**重九****登**

高

續齊諧記云桓景隨費長房登高謂曰九月
九日汝家當有災異急令家人縫絳囊盛茱

萸繫臂上登高飲菊花酒其禍乃銷景從其言
舉家登山夕還雞犬一時暴死今人九日登高

乃其

重陽佳辰九旻暮月

宋傅亮九月九日登
凌囂館賦云重九之

佳辰肅晨駕而朝
逝九旻之暮月

鳴鑾戾行宮

謝瞻戲馬臺云
聖心眷佳節鳴

鑾戾行宮行
官馬臺也

商飈凝素籥

賀敬九日詩云商飈
凝素籥玄覽賁黃圖

白衣酒

晉陽秋曰陶潛九月九日無酒宅邊摘
菊盈把望見白衣人至乃王弘送酒便

飲酣醉

戲馬臺

南齊書云宋武帝爲公時在彭城九月九日出遊項羽戲馬臺

至今相承

菊制齡

陶潛詩云酒能祛百慮菊爲制頽齡

萸繁臂

西

雜記云九月九日漢

佩萸

萸

西京雜記云漢武

帝宮人賈佩蘭佩

茱萸食餌飲菊

賜芳菊

魏文帝與鍾繇書曰九

月九日草木徧枯而菊

芬然獨秀

授衣之

月落帽之辰

見

馬射

南齊書

今奉一束

射或說秋金

龍山

晉書孟嘉字萬年爲桓溫參軍

節講習武射象立秋之禮

溫重之九月九日遊龍山寮佐畢集于時佐吏

並著戎服嘉醉有風吹落帽而不知覺溫使左

右無言欲觀其所措及如廁溫令孫盛作

黃花

文嘲之置坐處嘉還見之其答文甚美

綠酒

黍餌

玉燭寶典曰食餌者

謂黍稷並收之也

菊杯

杯中泛

歲華紀麗卷第四

唐韓謬撰 明沈士龍胡震亨同校

冬

冬爲玄英

梁元帝纂要云冬爲玄英亦帝稱顓

頊神號玄冥

司寒

魏相曰北方之神顓頊承坎執權而司寒屬水

其日壬癸其音羽其數六其性智其事聽其味鹹其臭朽其祀行祭先腎食黍與鴈律窮

六律歲暮

歲將暮時既昏

雲葉浮空

文選寒風積浮雲繁冰漸結

水

立冬日水始

嚴雲

鮑昭冬日詩云嚴雲起亂山白日欲還次

兼豆

邢子才冬夜直史館詩云兼豆未能飽重衾詎解寒星斗旋臨於亥位金

烏送次於房星

房星日舍

愛日

左冬日可愛

寒風

羽律

纔移乾風更肅

十月乾風至

霜樹盡摧於枯葉玉壺

漸結於輕冰

見上松秀

寒姿

冬嶺秀寒松

桂榮貞質

選桂

樹冬榮

當北戶墜扉之日

詩塞向墜戶以爲寒備

是東臯穫

稻之辰

十月穫稻

風日

風曰寒風勁風嚴風厲風哀風陰風日曰愛日

草木

草曰寒卉黃草木曰寒木寒柯素木寒條

閉塞

月令天氣上騰地氣下降天地不通閉塞

而成

蓋藏

謹蓋藏循行積聚無有不歛注云謂府庫囷倉之類

祁寒

小民惟曰然

云暮

詩歲云暮矣

三餘

董遇曰冬歲之餘夜日之餘雨

時之餘爲

五夜

冬之夜故有甲子之辰

三餘也

十月

日居房星律中應鍾 立冬而水始成冰

月令

之月水始冰後五日地始凍 小雪而虹藏不見

又曰小雪之日虹藏不見後五日天氣上騰地氣下降後五日閉塞而成冬也 穫稻

月穫稻 良月 良月也 水變冬姿

霜凝雪態 感清商而律變

謂秋改火 仰碧落以星

稀星 冬節 賞死恤孤 恤孤寡 戒門修鍵

鍵備邊境塞後徑飾喪紀 移金水德 秋改 鶴語

之辰 見 雀化之日 家語立冬之日 祭寒 亥日祭

祀地

立冬之日祀神
州地祇于北郊

氣迎北陸景送西郊

見上槐

檀遽改於歲餘

冬取槐檀之火
又冬是歲之餘

晷度方知其晝

短

日短星昴
以正仲冬

隕籜

十月
隕籜

滌場

詩十月滌場農
工畢酒掃場

穰

穰已納

詩十月納禾
稼黍稷種穰

蟋蟀入床

詩十月蟋蟀
入我床下

收

水澤之賦

無令侵削兆民以爲天子取怨于下
注水賦蛭魚之類澤賦萑蒲之類

爲儲蓄之謀

崔寔注云十月農事畢五穀
既登家備儲蓄乃順時令也

時當

隕籜節及飲蒸

大飲蒸勞農以休息之注十月
農事既畢黨正屬民飲酒正齒

位是也詩云十月滌
場朋酒斯饗是也

當昏虛曉中

令月值宵長晝

短

易關市

來商旅納貨財便人事四方來集
遠方皆至貨財不匱上無乏用百

事乃

築城郭

是月也可以築城郭造宮室穿竇窖修囷倉

菊謝籬金

冰生池玉

禮法月推於聰智晨昏星麗於虛

張節及始裘

月令天子始裘

時當納稼

見上

霜勁盡摧

於槁葉

衆才搖落

嶺寒方秀於長松

冬嶺秀長松之色

候轉

秦正

漢書高祖十月始至霸上秦

本十月爲歲首遂不革焉

氣迎魯朔

春秋

魯以此月告朔

寒律後彫於松柏

新煙已改於槐檀

見陽月

此時純陰用事嫌其無陽故曰陽月

命酒官

秫稻必齊麴

必香陶器必良火齊必得兼用六物酒官監之毋有差忒

陳祭器

命工師効功陳祭器

按度程無作淫巧勤工名以考其誠功有不當必行其罪

寒

焦溪沅温泉冰

並出雪賦

嚴凝之氣

禮記曰天地嚴凝之氣始于西

南而盛于西北是天地之義氣也

栗烈之風

詩云一之日厲風發二之日栗烈

蛸

文選云馬縮如蛸言寒也

木冰

左傳十三年雨水冰寒也

北戶墮扉

出雪

泥也

輶壤垂繒

雪賦

十二三

漢高祖聞韓王信降匈奴將擊之連戰乘

勝逐北至樓煩會大寒

十六七

北方苦寒之地墮指者十六七

戰冢

上音軍下音卓凍破瘡也漢戰樓煩士卒戰瘡

凌兢

其泉賦曰馳凌兢寒

顛也

桐不華

周書時訓云清明之日桐不華則歲有大寒

黍可種

劉向別傳曰燕地寒谷不生五穀鄒衍吹律呂以煖之温氣至五穀生因名黍谷

毒害

鳥獸

王莽鑄威斗是日天大寒百官人馬有凍死者漢竇武上表曰今日大寒過節毒害

鳥獸

城邊竹

飢傷人馬

魏武苦寒行曰

鳥失條

木皆爲傷死

人墮指

不堪

月令寒氣摠至人

而

耐

家語食水者善

冬日之陽

言其煖也

陰時則

慘

文選云在陰則

挾纈

左傳曰楚莊王圍蕭師

土皆如

重衾

白鶴語

異苑曰晉太康二年南

挾纈

重衾

白鶴語

州人見二白鶴語于橋

下曰今茲寒不減

黃竹詩

穆天子遊黃臺之丘

堯崩年於是飛去

松柏彫

歲寒然後知

詩以愍之也

松柏之

後彫

御狐貉之兼衣

又襲狐貉

綈袍

須賈謂范雎曰

之煖者不憂至寒之心

哉與之無褐詩曰無衣無慘凜下陰潛而激冷

以綈袍漸軸之冰文選嚴含冰以滅入地之

凍廣雅云北方地苦寒冰稜軟文選稜稜霜并

凌思玄賦云魚矜鱗禪于六宗孔安國曰四時

月也星也水旱運乎二氣一寒一暑涉水戰國

也謂之六宗田單解裘與鑿池呂氏春秋曰衛靈公天寒鑿

涉水之老人寒哉春曰君衣狐裘坐熊席四阪有火故不寒

民衣敝不補履缺不直寒矣公曰善遂罷後

小民怨咨書曰冬祁寒小君子齋戒月令以待

定民惟曰怨咨

十一月

日在箕宿律中黃鍾

鶡鳥不鳴

大雪之日鶡鳥不鳴後五日

日虎始交後五日荔挺出

蚯蚓乃結

冬至之日蚯蚓乃結後五日麋角解後五日水

動節及冰行音諧羽奏

鼎正仲冬

尚書云日短星昴注

仲冬也時稱亞歲

宋志云魏晉則冬至日受萬國朝賀因小會其儀亞千歲朝

表福臻而祥集故陰極以陽生

冬至日一陽生視朔良

辰

左傳僖五年正月辛亥朔日南至公既視朔遂登觀臺以望而書之

推元命節

桓譚新論曰通曆數家算法推考其紀從上古天文以來訖十一月甲子夜半朔冬至

方

晝短宵長之際

日短至陰陽爭又曰宵長晝短陰極陽生

是陽升陰

化之初

陽初生陰乃化

分至啓閉當魯書雲瑞之辰絲

竹陶匏是漢賀日長之節

左傳凡分至啓閉必書雲物又青鳥氏司

啓玄鳥氏司分丹鳥氏司閉伯趙氏司至玉燭

實典曰冬至日南長律中黃鍾其管最長故有

履長之賀又漢雜記冬至陽氣起君道衰故不賀閉關先

長故賀夏至陰氣起君道衰故不賀以至日閉關王

商旅不行鑿冰斬木之時時方薦黍見下日

在牽牛中祁寒剽北陸之金鳥大雪語南州之

白鶴見上無作土事月令曰無作土事無發室屋

泄是謂發天地之房民必疾伐竹斬木伐木取

疾又隨以喪命之曰暢月命宰謹審於門

云此時堅成祀井泉祈祀四海

可伐取之大川名源

間

命內宰申宮令審門閭謹房室必重閉雖有貴戚近習無有不禁

禁民不收

於牛馬

農有不收藏積聚者馬牛畜獸有放佚者取之不罪所取者不罪所以戒其主也

冬至

節次周正

周以十一月爲正月

律移舜瑄

舜以玉瑄定律呂

節及

薦黍

崔寔四人月令冬至日薦黍羔先薦玄冥以及祖禰其進拜謁賀君師一如元日

時稱結蜩

冬至日蜩蜋結

周嵩舉酒

周嵩伯仁之弟冬至日舉酒白母跪

而泣曰伯仁爲人志大才短名重識暗

崔浩定儀

見下

土灰在懸

書

冬至日懸土灰以定陰陽之氣

菁茅作貢

隋牛弘冬至至乾元殿受賀詩云作貢菁茅

集來朝主轍連

梁園而已飛六出

雪賦梁王不悅遊于兔園

漢殿而

曾奏八音

漢書天子以冬夏二至御前殿會八能之士陳入音聽樂均度暑景候鍾

律權土灰

鵲鳥不鳴

大雪之日鵲鳥不鳴

陽鳥緩翼

戴

禮方遵於坎德

十一月盛德在水坎水也

羲文俄變於乾爻

伏羲斷龜文以立八卦冬至一陽生配乾之初九

金翼南飛

日南至

玉杓

北指

建子位

漢樂曾陳於前殿魯雲爰紀於候臺

古候之臺堦扉嚴景

北戶堦扉

就樂良辰

易通卦驗曰冬至日人主於羣

臣從樂五日以迎日至之禮注從就也

陳儀薦宗廟之竿

見表瑞

集文昌之雀

魏文帝黃初元年冬至日黃雀集于文昌殿前

水德方隆

陽爻乍振

盛吉正持於丹筆

後漢盛吉爲疑尉每冬至夜定

罪決斷妻執燭吉持丹筆夫妻相向垂泣決事

王褒更審於黃鍾

王褒律令

表云師曠吹律知音律數始于黃鍾終于大呂故曰審

進履襪

後魏崔浩女儀曰迺

古婦人常以冬至進履襪于舅姑

崔

今

祀昊天上帝于圓丘注冬至日祀五方帝及日月星辰禮壇

日短影長

周禮冬至

至日在牽牛影長一丈三尺夏至日在東井影長尺有五寸

雪

宮既東成

雪賦雪宮建于東曰齊宣王見孟子于雪宮

山乃西峙

雪山

峙于西域又傳曰太山冬夏有雪

謝安詠

世說謝氏內集講書俄而雪驟下太傅欣

然曰白雪紛紛何所似兄子朗曰散鹽空中曾子

歌

琴操曰曾子耕梁山雨雪

北荒之明月

後周劉璠

雪賦云似北荒之明

雲夢之瓊田

陳正見雪詩云九冬飄遠

月若西崑之閨風

雪六出表豐年

三月失時

左傳云三月

生王樹雲夢起瓊田

入剡溪訪戴安道既

猷乘舟

土子猷雪夜乘舟入剡溪訪戴安道既

來興盡而返

婕妤詠扇

詩云新裂齊紈素皎潔如霜雪盈尺

丈

雪賦云盈尺則呈瑞于豐

圓璧方珪

既因方

亦遇圓

豐年

傳曰豐年冬多積雪又

時雪

時雪

而為璧

玉樹銀花

並詞人

擁袁安之門

見下

言不時

玉樹銀花

取譬

擁袁安之門

注

救

焦先之屋

高士傳焦先爲野火燒屋遭大雪大至屋倒焦袒臥不移人以爲死熟視

之宛然如故

萬頃同縞

勝隱則萬頃同縞

千巖俱白

瞻山則千巖俱

白海神來朝

太公伏符陰謀曰武王伐紂雨雪十餘日甲子朝五兩車騎止于王

師門尚父曰四海之神與河伯來受命

詞人未至

謝惠連雪賦梁王不悅遊于鬼

園乃置旨酒命賓友召鄒生延枚叟相如未至居客之右俄而微霰零密雪下

甲子

注庚辰

春秋盡與曰庚辰大雲深七尺

五騎効靈三英作賦

英三

即鄒陽枚叟司馬相如也

輕雲流風

洛神賦髣髴若輕雲之蔽月飄飄若流風

雪之迴

郢客歌

選客有歌于郢中者爲陽春白雪之曲

飛鷺舞

趙飛鷺如

旋風之迴雪也

穿履之行

東郭先生久待公車貧困衣履不完行雪中履有上無下

足盡閉門而臥

洛陽大雪丈餘縣令出見袁安

見安偃臥問安何以不出安曰大雪人皆乏食不宜干人令賢之遂舉孝廉

冬夏有

山海經云由首之山小威之

天地寒

大戴記曰天地積陰

溫則爲雨

千里之渡

詩云飄飄千里雪倏忽度龍沙

五穀之精

江勝之書曰雪者五穀之精

浸牛目

孟子曰勝文公葬有日矣

天大雨雪

渡龍沙

見蘇武羊毛

蘇武沒于蕃羊毛裹雪食得活

王恭鶴氅

世說王恭衣鶴氅雪中行望見若神仙

積於三冬

語曰冬無

積雪夏無餘糧

飄其六出

韓詩外傳云其霧

載

塗又雨雪

霧霧霏霏

詩上天同雲雨雪霏霏又昔我往矣楊柳依依今我

來思雨雪霏霏漣漣詩雨雪皚皚選積雪皚皚入隙始
蓐而冒棟終照書孫康家貧常照雪讀書麻衣曹風以麻衣比色曹
風麻衣蘭曲楚語以幽蘭儷曲宋玉作幽蘭白雪之曲

冰

履霜而至

易曰履霜堅冰至

積水所成

選云層冰爲積水所成

生

於水而寒於水

荀子

壯以風而解以風

左傳云冰以風壯月

令云東風解凍

夏蟲疑

夏蟲不可以語冰天台賦晒夏蟲之疑冰

春魚上

見玉甃

晉江道冰賦云穿重城之十仞兮構玉甃之百節

夷盤

周禮盛冰之器

涸泝

凝也

淋漓

半也

狐聽之而將渡

述征記曰河冰始合要狐先行

方可渡鼠食之以求生神異記北方有冰厚百丈

長百尺可爲褥却凝池東晉三薄冰凝池非登

風寒其肉重于斤凝池廟之寶零露垂林非綴

晁之飾必將採素壁于琢冰文中子曰巧冶不

層山選圓珠于重泉也琢冰能銷木良匠不能

家鳥覆而旣因后稷姜原踐巨人跡而生子弃

冰爲之以魚跳而只爲王祥王祥母思生魚河水

養之忽一朝冰開有鱖六尺見錯上書狐貉之地

鯉魚躍出得以奉母六尺積陰之處木皮三寸

冰厚百丈見土履薄冰涉春書心之憂危

六尺寒覩餅中淮南子曰見一葉之落知歲之清窺

壺內選詩云清光武渡河光武爲王郎所逐至

如玉壺冰滹沱河兵進急無船

不可渡使王霸往視問冰堅否霸恐驚衆還報曰冰牢可渡比衆至河冰已合矣帝遂得渡

慕容暉海

王隱晉書慕容晃上言躬征平郭遠

冰凌行海中

冬凝春泮

淮南子曰冬則水凝爲冰春則冰散爲水

結水成

見

東海之蠶

拾遺記云東海中具嶠山有冰蠶長七寸有鱗角重

雪覆之則爲

北方之鼠

見

陷冰之丸

後漢清州刺史焦和

恐賊乘冰過河多作陷冰丸以投河中賊衆遂潰

削冰之火

博物志曰削冰令圓

其影則有火出以凝之

水

周禮水有時以凝

不

治之冰

海賦曰陽冰不

馴致

易

負重

鄧析書曰

民若乘奔而無轡若履冰而負重言其懼也

王祥泣而葉公飲

莊子

曰吾饗無欲清之人今吾朝句踐抱而袁譚推
受命而夕飲冰我其內熱歟
吳越春秋曰越王念吳欲復怨非一旦也苦思
勞心夜以接日冬寒則抱冰魏志袁譚時云三
推冰注時冰凍未泮迨水渙然渙然冰釋又三
合不得降之未泮未泮渙然渙然冰釋又三
皚思玄賦行積冰之皚峨峨楚詞層時燠公羊
皚皚兮清泉沍而不流峨峨冰峨峨時燠曰冬
至無冰夜結亦寒冰夜結
時燠亦曰朝疑

藏冰

天子命藏

命有司冰方盛取而藏之

山人乃取

左傳山人取之縣人傳之

與人納之隸人藏

謂虞官也

採於山陰

又云其藏冰也深山窮谷固陰沍寒

於是納於凌室

詩云二之日鑿冰冲冲今十二月也周十一月爲正月十二

月爲二月故云二之日鑿冰冲冲水聲也又其三之日納于凌陰即今之三月凌陰即凌室其

冰方盛乃祭司寒

傳云其藏冰也乃用黑牡秬黍以享司寒其出之也桃弧

棘矢以除其災其出天也時祭寒而藏

幽詩云

鑿見周禮見頒

周禮凌人夏頒冰注云暑氣盛王以冰頒賜羣臣也

慮蟲

疑之時不可闕也及狐聽之日于以藏之

藏

時而日在虛危

左傳云古者北陸而藏之即今十二月也西陸朝覲而出之即

今二月也出際而鳥飛昂畢

傳云其周之也徧食肉之家冰皆與焉

凌

人治鑑

盛冰器也

有司祭寒

三倍爲防

凌人斬冰三其凌注

三倍其冰三之者爲消釋度也

三時不害

傳云徧及于老病則春無凄風秋無苦雨

藏則無災

又云無災霜雹瘡疾不降

否則用咎

今藏用池之水弃而

不用風不越而發也

開冰

祭韭獻雉

詩四之日其蚤獻雉祭韭四之日今之二月也又月令云立春後天子獻

羔開冰先薦寢廟

桃弧棘矢

見上

春治冰鑑祭供夷盤

並見周禮凌人

冬伐

謂將藏也伐冰之家不畜牛羊

夏頒

見上

春開

冰

秋刷

見凌人注刷除冰室當更納新冰

取順沍寒用資清暑

獻雉而啓之

見上

出火而畢賦

左傳云公始用之火出而畢賦自命

夫命婦至于老疾無不受冰

老病必受上

喪祭亦霑

大夫命婦喪浴

祭用冰也冰室春開玉壺夏薦致夏蟲之疑闕而

爲罪遇時燠之變責則難加冬乃無水食祿之家廷朝

之祿位賓食喪祭于是乎用之凌人之職祭祀共冰鑑賓客共冰大喪共夷盤冰

十二月

南斗臨鳥大呂中律昏奎曉亢雞乳鵲巢鴈

鄉而方驗小寒小寒之日鴈北向後五日雞乳

而始明中氣大寒之日雞始乳後五日鴈鵲鴈始鵲雞乳

神於南郊月令蜡百神于南郊爲來年祈福于天宗天宗日月星辰也蜡勝日祭之

名也習五戎於北面月令乃教畋獵習戎班馬鼓命僕及七駟咸駕載旌旒纛

車以級司徒掾村北面將帥講武習射御角力

誓之注誓衆以軍法天子厲飾天子乃厲飾執弓挾矢以獵擣星回

于天日窮于次月窮于紀磔犬送寒大獮旁磔

磔犬殺金以助木氣嘗魚薦廟天子親往嘗徵咸獻於九

州九州之人無不咸獻其力以供皇天上論所

宜於百縣合諸侯制百縣爲來歲受朔日與諸

以給郊亦曰暮餘月歲窮

日

陽德春秋內事曰日火精范子計然曰冠三光

之首爲七曜之先

三光日月星七曜五星與日月也

朱炎艷於

建陽

何晏景福殿賦云開建陽則朱炎艷朱炎日也

神州耀乎靈景

左太

沖詠史詩云皎天舒白日靈景耀神州

三足

日中陽鳥三足

九芒

日彩麗

天麗乎天

出地

文子曰日出于地萬物蕃息

方旭

郭璞南郊賦云時當

青陽日在方旭

半規

謝靈運遊南亭詩密林含餘清廷峰隱半規

寸晷

文選

無留影

分陰

晉陶侃曰聖人尚惜寸陰凡俗當惜分陰

桑榆

選云桑榆暮景

藿

傾心向日曝儒士之腹

郝隆晒書

炙野人之背

傳云負日之暄

人莫之知也

貞明

易日月貞明

寅餞

書寅餞納日

火德明輝

離

火爲日

陽精正色

說文云日爲太陽之精

可畏可愛

見上不縮

不盈

土圭測景不縮不盈

並明

天子與日月並明照四方也

久照

易云日月

得天而得久照

出東方

出自東方照臨下土

在北陸

左傳日在北陸而藏冰

魯陽揮戈

魯陽與韓戰酣日暮揮戈而日退三舍

后羿發箭

淮南子記

堯時有十日並出羿射九鳥死焉

實也

說文云日者實也太陽之精

就之

堯紀

就之日名

陽德陽精大明曜靈駿鳥東君陽鳥日御曰羲和

日狀

則日中

杲杲出日春日遲遲如日之升我日斯邁日云暮矣

朝東門

禮黑冕而朝日于東門之

外在西陸

日在西陸而出冰

劒揮

虞公與夏戰日欲落公以劒指日日乃退

不落箭射上見

逐有夸父

山海經云夸父與日爭走乃渴死于道弃杖而成鄧

林送有秦皇

恨賦秦始皇巡海右而送日

冬日陽夏日陰

文子

言此二者長繩恨無長繩雙麗文選日雙麗無二天

二方中

方中之

論遠近而長

聞明帝

晉明帝少時元帝問曰日

近長安近答云只見人從長安來不見人從日

邊至及來日集羣臣乃言月近帝失色對曰舉

頭見日不見之爭小大而難答小兒

列子曰孔子東遊見兩小

兒辯鬪問其故一兒曰我以日始出時近而日

中時遠也一兒曰我以日初時遠而日中時近

也一兒曰日初出大如車蓋及日中則如盤盂

此不爲遠者小而近者大乎一兒曰日初出滄

滄涼涼及其中如探湯此不爲近者熱而遠者

涼乎孔子不能決兩小兒笑曰孰謂汝多知乎

白駒

莊子曰人生世中如白駒之過隙

赤羽

羽若日

赤揭行如

日月騎走

莊子曰挾字

扶桑

淮南子曰日初出千暘谷登于扶桑

入干 虞泉 若木 日所出也 旣無私照相代而明 日月無私照

臘

祖日爲盛臘日爲衰 五行盛則爲祖衰則爲臘漢以火德火衰於戌故以

戌日爲臘 魏以上德上 魏以土而用辰 見晉以

衰于辰故以辰日爲臘 魏以土而用辰見晉以

金而取丑 金衰於丑 殷曰嘉平 別名也 周名大蜡 蜡者索也

漢改名 尹軌或賜於神藥 神仙傳尹軌字公度

洛陽城西一家求宿主人以明旦是臘意不容

又以曾聞公度名因爲設酒至旦乃賜主人神

藥一丸 甄字不擇於瘦羊 東觀漢記甄字字長

而去 羊或言大小肥瘦欲投鉤字乃 聞盜樹 陳留志云范喬

邑人臘日盜斫其樹人皆之佯不聞邑人愧
而婦之喬曰卿臘日取柴與父母相懼耳
矜

竊食

袁宏後漢書曰韓卓字子助陳留人臘
日奴竊食祭先人卓義其心矜而免之
同

黃石

史記張良於下邳圯橋見老人得書云他
目穀城見黃石即我也果見取而宝祀之

留侯死并黃石葬之
每伏臘上冢祠黃石

報有功

漢書儀曰報鬼神
古之聖賢有功于

民改之而喤於王莽

陳咸

王莽篡位還家杜門
及臘日咸言我之

虞公

傳云虞
公不臘

萬物而索饗

祭先祖蜡

臘者獵也
歲終大祭

難

送寒

爲抑

月

抑

爲官
皮執戈

昨階

漢高祖文皇帝

矢有飛龍蛇矣鼉

挑孤棘矢無限

偶也言矢無限
火馳風

流言飛礫
飛礫雨散剛

疾也飛礫
惡馳之名礫

可以厭鬼囚耕父女魁並鬼名清冷

於光殘夢魘與魍象殘野名魁戩

[illegible]

叢書集成初編

皇覽（及其他一種）

中華書局出版發行

（北京王府井大街三十六號）

北京石景山區中華書局印刷廠印刷
一九八五年北京新一版
開本：七八七乘一〇九二毫米三十二分之一
統一書號：一七〇一八·一五一

